

卷之四

春秋左氏經傳集解卷二十三

昭公

經壬申

景王十六年

十有三年春叔弓帥師圍費

不書南崩

以費叛不以告廟○費音祕

○夏四月楚公子比自晉歸于楚

弑其君虔于乾谿

比去晉而不送書歸者依陳蔡以入言陳蔡猶列國也比歸而

靈王死故書弑其君靈王無道而弑稱臣比非首謀而反書弑比雖協立猶以罪加也靈王死在五

月又不在乾谿楚人生失

○楚公子棄疾殺公子

比此雖為君而未列於諸侯故

侯齊侯宋公衛侯鄭伯曹伯莒子邾子滕子薛伯

春秋左氏傳卷二十三

毛四百四十一

杞伯小邾子于平丘

平丘在陳留長垣縣西南

○八月甲

戌同盟于平丘

書同齊服故

○公不與盟

魯不堪晉求讒慝弘多公

不與盟非國惡故

○晉人執季孫意如以歸○公

至自會

傳無

○蔡侯廬歸于蔡

廬音盧又力居反

○陳侯吳

歸于陳

陳蔡皆受封于楚故稱爵諸侯納之曰歸

○冬十月葬蔡靈公

蔡復而後以君禮葬之

○公如晉至河乃復

晉人辭公

○吳滅州

來

州來楚邑用大師焉曰滅

傳十三年春叔弓圍費弗克敗焉

為費人所敗不書諱之

平

子怒令尹費人執之以為囚俘治區夫曰非也

區夫

魯大夫○區烏侯反一作丘于反

若見費人寒者衣之饑者食之

為之令主而共其乏困費來如歸南氏亡矣民將

叛之誰與居邑若憚之以威懼之以怒民疾而叛

為之聚也若諸侯皆然費人無歸不親南氏將焉

入矣平子從之費人叛南氏

費叛南氏在明年傳善區夫之謀終言其

效○表於既反食音嗣共音恭為之聚于偽反

○楚子之為令尹也殺大

司馬遼掩而取其室

在襄三十年○遼于委反

及即位奪遼居

田居掩之族言遷許而質許圍

遷許在九年圍許大夫○質音致

蔡洧有寵於王王之滅蔡也其父死焉

楚滅蔡在十一年洧

仕楚其父在國故王使與於守而行使洧守國王

死○洧于軌反申之會越大夫戮焉申會在王奪闕韋

龜中犍韋龜令尹子文玄孫中又奪成然邑而使

為郊尹成然韋龜子郊蔓成然故事蔡公蔡公棄

猶舊也韋龜以弃疾有當故遠氏之族及遠居許

圍蔡洧蔓成然皆王所不禮也因群喪職之族啓

越大夫常壽過作亂常壽過申會所戮圍固城克

息舟城而居之息舟楚邑城觀起之死也其子從

在蔡事朝吳觀起死在襄公二十二年朝吳故蔡

曰今不封蔡蔡不封矣我請試之觀從以父死怨

以蔡公之命召子干子皙二子皆靈王弟元年及

郊而告之情告以蔡公強與之盟入襲蔡蔡公將

食見之而逃不知其故驚起辟觀從使子干食坎

用牲如書而速行使子干居蔡公之林食蔡公之

衆已徇於蔡已觀從也曰蔡公召二子將納之與

之盟而遣之矣將師而從之詐言蔡公將蔡人聚

將執之執觀辭曰失賊成軍而殺余何益乃釋之

賊謂子干子皙也言蔡朝吳曰二三子若能死亡

則如違之以待所濟言若能為靈王死亡則可違

若求安定則如與之以濟所欲言與蔡公則可得安定且違

上何適而可言不可違上衆曰與之乃奉蔡公召

二子而盟于鄧穎川召陵縣西南有鄧城二子子干子皙依陳蔡人以

國國陳蔡而依之楚公子比子干公子黑肱子皙公子棄疾蔡公

蔓成然蔡朝吳帥陳蔡不羹許葉之師因四族之

徒四族遠氏許圍蔡洧蔓成然○羹音郎葉始步反以入楚及郊陳蔡欲

為名故請為武軍欲築壘壁以示後人為復讐之名蔡公知之曰

欲速且役病矣請藩而已乃藩為軍藩籬也蔡公使

須務牟與史狎先入因正僕人殺大子祿及公子罷

敵須務牟史狎楚大夫蔡公之黨也正僕大子之近

公子比為王公子黑肱為令尹次于魚陂魚陂竟

公子弃疾為司馬先除王宮使觀從從師

于乾谿而遂告之從乾谿之師且曰先歸復所後者

師及訾梁而潰靈王還至訾梁而衆散王聞

群公子之死也自投于車下曰人之愛其子也亦如

余乎侍者曰甚焉小人老而無子知擠于溝壑矣擠

也○擠王曰余殺人子多矣能無及此乎右尹子革

子細反

曰請待于郊以聽國人聽國人之所與王曰衆怒不可犯也

曰若人於大都而乞師於諸侯王曰皆叛矣曰若亡

於諸侯以聽大國之圖君也王曰大福不再祗取辱

焉然丹乃歸於楚然丹子革奔王歸○祗音支王公夏將欲入鄢

夏漢別名順流為公順漢水南至鄢○夏上聲鄢於建反一於晚反芋尹無宇之子申

亥曰吾父再奸王命謂斷王旌執人於章華宮○芋于付反又音羽王弗誅

惠孰大焉君不可忍惠不可弃吾其從王乃求王遇

諸棘闈以歸棘里名闈門也夏五月癸亥王縊于芋尹申亥

氏公亥五月二十六日皆在乙卯丙辰後傳終言之經書四月誤申亥以其二女殉

而葬之○觀從謂子干曰不殺弃疾雖得國猶受禍

也子干曰余不忍也子玉曰人將忍子子玉觀從吾不忍

侯也乃行國每夜駭曰王入矣相恐以靈王也乙卯夜弃疾

使周走而呼曰王至矣周偏也乙卯十八日○呼好故反國人大驚

使蔓成然走告子干子皙曰王至矣國人殺君司馬

將來矣司馬謂弃疾也言司馬見殺以恐子干君若早自圖也可以無

辱衆怒如水火焉不可為謀又有呼而走至者曰衆

至矣二子皆自殺不書弒君位未定也丙辰弃疾即位名曰熊

居葬子干于訾實訾敖不成君無號謚者楚皆謂之敖殺囚衣之王

服而流諸漢乃取而葬之以靖國人使子旗為令尹

子旗蔓成然楚師還自徐前年圍吳人敗諸豫章獲

其五帥定二年楚人伐吳師于豫章吳人見舟于豫

吳人舍舟于淮汭而自豫章與楚夾漢此皆當在

江北淮水南蓋後徙在江南豫章○帥所類反謂蕩

侯潘子司馬繁平王封陳蔡復遷邑復九年致群賂

始舉事時施舍寬民宥罪舉職舉職脩廢官○召觀從王曰

唯爾所欲觀從教子干殺弃疾疾并疾今對曰臣之先

佐開卜乃使為卜尹佐卜人使枝如子躬聘于鄭且

致欒櫟之田欒櫟本鄭邑楚中取之平下事畢弗致

知鄭白說服鄭人請曰聞諸道路將命寡君以欒櫟

敢請命對曰臣未聞命既復王問欒櫟降服而對降

如今解冠曰臣過失命未之致也王執其手曰子母

勤姑歸不穀有事其告子也王善其有權有他年芋

尹申亥以王樞告乃改葬之初靈王卜曰余尚得天

下尚庶不吉投龜詬天而呼曰是區區者而不余畀

區區小天下○詭呼豆余必自取之民患王之無厭

也故從亂如歸初其王無冢適冢大也○厭於馬反

同有寵子五人無適立焉乃大有事于群望群望星

辰山川

而祈曰請神擇於五人者使主社稷乃徧以璧見於

群望曰當璧而拜者神所立也誰敢違之既乃與巴

姬密埋璧於大室之庭巴姬共王妾大室祖廟使五人齊而長

入拜從長幼以次拜○齊側皆反長丁丈反康王跨之過其上也○靈

王肘加焉子干子晳皆遠之平王弱抱而入再拜皆

厭紐微見璧紐以為審識○肘中九反遠千萬反厭於甲反又於輒反紐女九反識申志反又如字

鬪韋龜屬成然焉知其將立故託屬音燭且曰弃禮違命楚

其危哉弃立長之禮違當璧之命終致靈王之亂子干歸韓宣子問於叔

向曰子干其濟乎對曰難宣子曰同惡相求如市賈

焉何難宣子謂弃疾親恃子干共同好惡故言如市賈同利以相求○賈音古反對曰無

與同好誰與同惡言弃疾本不與子干同好則亦不得同惡取國有五難

有寵而無一人也寵須賢人而因有人而無主二也雖有賢人當須

內主有主而無謀三也謀策有謀而無民四也民有

民而無德五也四者既備子干在晉十三年矣晉楚

之從不聞達者可謂無人晉楚之士從子干游皆非達人族盡親叛

可謂無主無親族無釁而動可謂無謀召子干時楚未有釁

為羈終世可謂無民終身羈客在亡無愛徵可謂無

德楚人無愛王虐而不忌靈王暴虐無所楚君子干

涉五難以弑舊君誰能濟之言楚借君子干以有楚

國者其弃疾乎君陳蔡城外屬焉城方城也時穿封

陳苛慝不作盜賊伏隱私欲不違不以私欲違民

無怨心先神命之先神謂國民信之芊姓有亂必季

實立楚之常也獲神一也當壁拜○有民二也民信

令德三也無苛寵貴四也子貴妃居常五也弃疾有五

利以去五難誰能害之子干之官則右尹也數其貴

寵則庶子也以神所命則又遠之其貴亡矣位不尊○(去)起

呂反(遠)于萬反其寵弃矣父既沒故民無懷焉非令國無

與焉無內將何以立宣子曰齊桓晉文不亦是乎庶皆

賤對曰齊桓衛姬之子也有寵於僖衛姬齊有鮑叔

牙賓須無隰朋以為輔佐有莒衛以為外主齊桓出

有舅氏有國高以為內主國氏高氏從善如流言其疾也

下善齊肅齊嚴也肅敬也不藏賄清也不從欲從才用

反施舍不倦施舍猶言求善不厭是以有國不亦宜

乎我先君文公狐季姬之子也有寵於獻好學而不

貳言篤生十七年有士五人狐偃趙衰顛頡魏武子

棄初危反有先大夫子餘子犯以為腹心子犯狐偃

有魏犢賈佗以為股肱魏犢魏武子也稱五人而說四士賈佗又不在本數蓋叔

向所賢也有齊宋秦楚以為外主齊妻以女宋賈以馬楚王享之秦伯納之有

欒卻狐先以為內主謂欒枝卻穀狐突先軫也亡十

九年守志彌篤惠懷弃民惠公懷公不恤民也民從而與之獻

無異親民無異望獻公之子九人唯文公在天方相晉將何以代

文此二君者異於子干共有寵子國有與主謂弃疾也○共

音恭無施於民無援於外去晉而不送歸楚而不逆何

以冀國傳言子干所以蒙弑君之名○施式豉反○晉成虎祈在

年○虎音斯反諸侯却而歸者皆有貳心賤其奢也為取鄭故取鄭

在十年○為干偽反鄭工杏反晉將以諸侯來討叔向曰諸侯不可

以不示威知晉德薄欲以威服之乃竝徵會告于吳秋晉侯會

吳子于良下邳有良城縣水道不可吳子辭乃還辭不七月

丙寅治兵于邾南甲車四千乘二十萬人羊舌鮒攝司馬

鮒叔向弟也攝兼官遂合諸侯于平丘子產子大叔相鄭伯以

會子產以幄幕九張行幄幕軍旅之帳子大叔以四十既而

悔之每舍損焉及會亦如之亦九張也傳言子產次之適宜大叔之從善

于衛地叔鮒求貨於衛淫芻蕘者欲使衛患之而致貨○芻如遙反

衛人使屠伯餽叔向羨與一篋錦屠伯衛大夫曰諸侯事

晉未敢攜貳况衛在君之宇下屋宇之下喻近也而敢有異

志芻蕘者異於他日敢請之請止叔向受羨反錦受羨

示不逆其意且非貨曰晉有羊舌鮒者瀆貨無厭瀆數也○亦厭於鹽反

將及矣將及禍為此役也役事也子若以君命賜之其已

客從之未退而禁之禁芻蕘者○晉人將尋盟齊人不可

有貳心故晉侯使叔向告劉獻公獻公王卿士劉子曰抑齊人不

盟若之何對曰盟以底信底致也君苟有信諸侯不貳

何患焉告之以文辭董之以武師雖齊不許君庸多矣董督也庸功也討天子之老請帥王賦元戎十乘之有辭故功多也

齊叔向告于齊曰諸侯求盟已在此矣今君弗利寡

以先啓行天子大夫稱老元戎戎車遲速唯君欲佐晉討

君以為請對曰諸侯討貳則有尋盟若皆用命何盟

之尋託用命以拒晉叔向曰國家之敗有事而無業事則不

經業貢賦有業而無禮經則不序須禮而有次序有禮而無

威序則不共禮須威嚴有威而不昭共則不明威須昭告

神明而後信義著不明弃共百事不終所由傾覆也信義不

威不威弃禮無禮無經是故明王之制使諸侯歲聘

以志業志識也歲聘閒朝以講禮三年而一朝正班爵之義率長幼之

黃四百五十六

序○閒 再朝而會以示威六年而一會以訓上再會

而盟以顯昭明十二年而一盟所以昭信義也凡八

下志業於好聘也○好講禮於等朝示威於衆也昭

明於神盟也自古以來未之或失也存亡之道恒由是

與晉禮主盟依先王先公舊禮主諸侯盟懼有不治奉承齊犧齊

之犧牲○而布諸君求終事也終竟君曰余必廢之

何齊之有唯君圖之寡君聞命矣齊人懼對曰小國

言之大國制之敢不聽從既聞命矣敬共以往遲速

唯君叔向曰諸侯有閒矣閒隙也不可以不示衆八月

辛未治兵習建而不旆壬申復旆之建立旌旗不曳其旆旆旂也

諸侯畏之軍將戰則旆故曳旆邾人莒人愬于晉曰

魯朝夕伐我幾亡矣自昭公即位邾魯同好又不朝夕伐莒无故怨愬晉人信之所

謂讒慝弘多我之不共魯故之以不共晉貢晉侯不見公

使向叔來辭曰諸侯將以甲戌盟寡君知不得事君

矣請君無勤託謙辭以絕魯子服惠伯對曰君信蠻夷之訴

蠻夷謂邾莒以絕兄弟之國弃周公之後亦唯君寡君聞

命矣叔向曰寡君有甲車四千乘在雖以無道行之

必可畏也况其率道其何敵之有牛雖瘠債於豚上

其畏不死債力問反南蒯子仲之憂其庸可弃乎弃猶

也忘若奉晉之衆用諸侯之師因邾莒杞鄆之怒四國近魯

數以小事相忿邾已滅以討魯罪閒其二憂因南蒯子仲二

憂為其民猶存故并以恐魯甲戌同盟于平

丘齊服也經所以稱同令諸侯日中造于除除地為壇盟會處○造七

報反音善癸酉退朝先盟朝晉○子產命外僕速張於

除張帳幕子大叔止之使待明日及夕子產聞其未張

也使速往乃無所張矣地已滿也傳言子產每事敏於大叔及盟子產

爭承承貢賦之次曰昔天子班貢輕重以列列位列尊貢

重周之制也公侯地廣故卑而貢重者甸服也甸服謂天

子畿內共職貢者鄭伯男也而使從公侯之貢言鄭伯在甸服外爵列伯

子男不應出公侯之貢懼弗給也敢以為請諸侯靖兵好以為

事靖息也○好呼報反行理之命行理使人通聘問者無月不至貢之無

藝藝云法制小國有闕所以得罪也諸侯脩盟存小國也

貢獻無極亡可待也存亡之制將在今矣自日中以

爭至于昏晉人許之既盟子大叔咎之曰諸侯若討

其可瀆乎瀆易也○易以豉反子產曰晉政多門政不出一家貳偷

之不暇何暇討貳不壹偷苟且國不競亦陵何國之為不競爭則

為人所侵陵 公不與盟信邾莒之訴 晉人執季孫意

不成為國 如以幕蒙之也蒙裏 使狄人守之司鐸射魯大夫 射

夜懷錦奉壺飲冰以蒲伏焉守者御之乃與之錦而

入蒲伏竊往飲季孫冰箭箭蓋可以取飲 ○奉芳勇

飲於鴛反箭 晉人以平子歸子服湫從湫子服惠伯

子小反徐音 附錄子產歸未至聞子皮卒哭且曰

吾已已猶 無為為善矣唯夫子知我言子皮知 仲尼

謂子產於是行也足以為國基矣詩曰樂只君子邦

家之基詩小雅言樂與君子 子產君子之求樂者也

且曰合諸侯藝貢事禮也故以禮明之 ○附錄鮮虞

人聞晉師之悉起也五年傳曰遺守四千今 而不警

邊且不脩備無言夷狄 晉荀吳自著雍以上軍侵鮮虞

及中人驅衝競中由望都縣西北有中 大獲而歸為

五年晉伐 ○楚之滅蔡也靈王遷許胡沈道房申於

荆馬平王即位既封陳蔡而皆復之禮也滅蔡在十

沈小國也道房申皆故諸侯楚滅以為邑荆荆山也

傳言平王得安民之禮汝南有吳防縣即防國

隱大子之子廬歸于蔡禮也隱大子大子有 悼大子

之子吳歸于陳禮也悼大子廬師 ○冬十月葬蔡靈

公禮也

國復成禮以葬也此陳蔡事傳皆言禮嫌楚所封不得比諸侯故明之

○公如

晉荀吳謂韓宣子曰諸侯相朝講舊好也執其卿而

朝其君有不好焉不如辭之乃使士景伯辭公于河

景伯士文伯之子彌年也○舊好呼報反

○吳滅州來令尹子旗請伐吳

王弗許曰吾未撫民人未事鬼神未脩守備未定國

家而用民力敗不可悔州來在吳猶在楚也子姑待

之傳言平王所以能有國

○附錄季孫猶在晉子服惠伯私於

中行穆子

私與之語

曰魯事晉何以不如夷之小國魯兄

弟也土地猶大所命能具若為夷弃之使事齊楚其

何瘳於晉

瘳差也○為于偽反下同

親親與大賞共罰否所以為

盟主也子其圖之諺曰臣一主二

言一臣必有二主道不合得去事他

吾豈無大國

言非獨晉可事

穆子告韓宣子且曰楚滅陳

蔡不能救而為夷執親將焉用之乃歸季孫惠伯曰

寡君未知其罪合諸侯而執其老

老尊卿稱

若猶有罪死

命可也

死晉命也

若曰無罪而惠免之諸侯不聞是逃命

也何免之為請從君惠於會

欲得盟會見遣不欲私去

宣子患之

謂叔向曰子能歸季孫乎對曰不能鮒也能鮒

鮒叔魚乃

使叔魚叔魚見季孫曰昔鮒也得罪於晉君自歸於

魯君蓋襄二十一年坐叔虎與欒氏黨并得罪微武子之賜不至於今武子

季平子雖獲歸骨於晉猶子則肉之敢不盡情歸子祖父

而不歸鮒也聞諸吏將為子除館於西河西使近河其若

之何且泣泣以信其言平子懼先歸惠伯待禮待見遣之禮

經癸酉景王十七年十有四年春意如至自晉書至者喜得免○

三月曹伯滕卒無傳四同盟○夏四月無傳○秋葬曹武公

無傳○八月莒子去疾卒未同盟○去起呂反○冬莒殺其公子

意恢以禍亂告不必繫於為卿故雖公子亦書意恢與亂君為黨故書名惡之○恢若回反惡烏路反

傳十四年春意如至自晉尊晉罪已也以舍族為尊晉罪已○舍

音捨尊晉罪已禮也禮脩已而不責人○附錄南蒯之將叛也

盟費人司徒老祁慮癸二人南蒯家臣偽癆疾使請於南蒯

曰臣願受盟而疾興若以君靈不死請待閒而盟閒差

也○差初賣反許之二子因民之欲叛也請朝眾而盟欲因合眾

以作亂遂劫南蒯曰群臣不忘其君君謂季氏畏子以及今

三年聽命矣子若弗圖費人不忍其君將不能畏子

矣不能復畏子○畏子以及今絕句子何所不逞欲請送子送使請出奔

期五日南蒯請期冀有變遂奔齊待飲酒於景公公曰叛夫

春秋左傳集解 昭公卷三十三 洪四百七十三

戲對曰臣欲張公室也張強子韓皙曰齊大家臣而

欲張公室罪莫大焉言越也司徒老祁慮矣來歸費歸魯

齊侯使鮑文子致之南蒯雖叛費人不從未專屬齊

歸費齊使文子致邑○附錄夏楚子使然丹簡上國欲以假好非事實也

之兵於宗丘且撫其民上國在國都之西西方居上

分貧振窮分與也振救也長孤幼養老疾收介特介特

民也收養不使流救災患宥孤寡賦稅赦罪戾詰姦

隱詰責問也○舉淹滯淹滯有才德而未敘者禮新敘舊新羈

祿勲合親勲功也任良物官物事使屈罷簡東國之

兵於召陵兵在國都之東者○亦如之如然好於邊

疆結好四鄰○息民五年而後用師禮也○秋八月

莒著丘公卒郊公不感郊公著丘公子國人弗順欲

立著丘公之弟庚與庚與莒共公蒲餘侯惡公子意

恢而善於庚與蒲餘侯莒大夫也意恢意恢郊公惡

公子鐸而善於意恢鐸亦羣公子鐸因蒲餘侯而與

之謀曰爾殺意恢我出君而納庚與許之為下冬殺

○附錄楚令尹子旗有德於王不知度有佐立與養

氏比而求無厭養氏子旗之黨養由基之王患之九

希 四百五十三

月甲午楚子殺鬬成然而滅養氏之族使鬬辛居鄖

以無忘舊勲辛子旗之子鄖○冬十二月蒲餘侯茲

夫殺莒公子意恢郊公奔齊公子鐸逆庚與於齊齊

隰黨公子鉏送之有賂田舊賂齊○附錄晉邢侯與

雍子爭鄙田邢侯楚申公巫臣之子也雍子亦久而

無成士景伯如楚士景伯叔魚攝理攝代韓宣子命

斷舊獄罪在雍子雍子納其女於叔魚叔魚蔽罪邢

侯蔽斷也○斷丁邢侯怒殺叔魚與雍子於朝宣子

問其罪於叔向叔向曰三人同罪施生戮死可也施行

罪也雍子自知其罪而賂以買直鮒也鬻獄邢侯專殺

其罪一也已惡而掠美為昏掠取也昏亂也○貪以

敗官為墨墨不潔之稱○敗殺人不忌為賊忌畏夏

書曰昏墨賊殺逸書三者臯陶之刑也請從之乃施

邢侯而尸雍子與叔魚於市仲尼曰叔向古之遺直

也言叔向之直有古人遺風○治國制刑不隱於親

謂國之大問已所答當也至於三數叔魚之惡不為

末減末薄也減輕也皆以正言曰義也夫可謂直矣

於義未安直則有之平丘之會數其賄也謂言瀆以

○夫音扶一芳于反貨無厭貨無厭

寬衛國晉不為暴歸魯季孫稱其詐也謂言鮒也能以寬

魯國晉不為虐邢侯之獄言其貪也以正刑書晉不

為頗三言而除三惡加三利三惡暴虐頗也三惡除則三利加○頗晉何反

殺親益榮榮名益已猶義也夫三罪唯答宣子問不可以不正其餘則以直傷義故

重疑之

經甲戌景王十八年十有五年春王正月吳子夷末卒無傳

未同盟 ○二月癸酉有事於武宮籥入叔弓卒去樂卒

事畧書有事為叔弓卒起也武宮魯武公廟成六年復立之○去上聲 ○夏蔡朝吳出

奔鄭朝吳不遠譏人所見逐而書名 ○六月丁巳朔日有食之無傳

○秋晉荀吳帥師伐鮮虞 ○冬公如晉

傳十五年春將禘于武公戒百官齊梓慎曰禘之日

其有咎乎吾見赤黑之禋非祭祥也喪氛也禋妖氛也蓋見

於宗廟也故以為非祭祥也氣其在泣事乎泣臨也二

月癸酉禘叔弓泣事籥入而卒去樂卒事禮也大臣卒故

為之去樂 ○楚費無極害朝吳之在蔡也朝吳蔡大夫有

去起呂反功於楚平王故無極恐其欲去之乃謂之曰王唯信

子故處子於蔡子亦長矣而在下位辱必求之吾助

子請請求又謂其上之人蔡人在上位者曰王唯信吳故處諸

蔡二三子莫之如也而在其上不亦難乎弗圖必及

於難夏蔡人逐朝吳朝吳出奔鄭王怒曰余唯信吳

故寘諸蔡且微吳吾不及此女何故去之無極對曰

臣豈不欲吳非不欲善吳於難乃旦反○然而前知其為人之異

也言其多權謀吳在蔡蔡必速飛去吳所以翦其翼也以鳥

喻也言吳在蔡必能使蔡速強而背楚○附錄六月乙丑王太子壽卒

周景王子○秋八月戊寅王穆后崩太子壽之母也傳為晉荀躒如周葬穆后

起○晉荀吳帥師伐鮮虞圍鼓鼓白狄之別鉅鹿鼓下曲陽縣有鼓聚鼓

人或請以城叛穆子弗許左右曰師徒不勤而可以

獲城何故不為穆子曰吾聞諸叔向曰好惡不愆民

知所適事無不濟愆過也適歸也或以吾城叛吾所甚惡也

人以城來吾獨何好焉賞所甚惡若所好何無以復加所好

若其弗賞是失信也何以庇民力能則進否則退量

力而行吾不可以欲城而適姦所喪滋多使鼓人殺

叛人而繕守備圍鼓三月鼓人或請降使其民見曰

猶有食色姑脩而城軍吏曰獲城而弗取勤民而頓

兵何以事君穆子曰吾以事君也獲一邑而教民怠

將焉用邑邑以賈怠不如完舊完猶保守○見賢賈遍反賈音古下同

怠無卒也卒終也弃舊不祥鼓人能事其君我亦能事吾

君率義不爽爽差也好惡不愆城可獲而民知義所知

所在也荀吳必其能獲故因以示義有死命而無二心不亦可乎鼓人

告食竭力盡而後取之克鼓而反不戮一人以鼓子

戴鞮歸戴鞮鼓君名也○冬公如晉平丘之會故

也平丘會公不與盟季孫見也執今既得免故往謝之○附錄十二月晉荀躒

如周葬穆后籍談為介既葬除喪以文伯宴樽以魯

壺文伯荀躒也魯壺魯所獻壺樽也○王曰伯氏諸侯皆有以鎮

撫王室晉獨無有何也感魯壺而言也鎮撫王室謂貢獻之物文伯揖

籍談文伯無辭揖籍談使對對曰諸侯之封也皆受明器於王

室謂明德之分器以鎮撫其社稷故能薦彝器於王

薦獻也彝常也謂可常寶之器若魯壺之屬晉居深山戎狄之與鄰而遠

於王室王靈不及拜戎不暇言王寵靈不見及故數為戎所加陵○遠於萬

反又其何以獻器王曰叔氏而忘諸乎叔籍叔父唐

叔成王之母弟也其反無分乎密須之鼓與其大路

文所以大蒐也密須姑姓國也在安定陰密縣文王代之得其鼓路以蒐○蒐所求反

闕鞏之甲武所以克商也闕鞏國所出鎧唐叔受之

以處參虛匡有戎狄參虛實沈之次晉之分野○參所金反其後襄之

二路 周襄王所賜晉文公大路戎路 鉞鉞 鉞斧也鉞金鉞鉞黑黍鬯香酒 鉞音威

越 鉞音威 彤弓虎賁文公受之以有南陽之田 事在僖二

撫征東夏非分而何夫有勲而不廢 加重 有績而載

書功於策 奉之以土田 有南陽 撫之以彝器 子鉞之屬 旌之以車

服 襄之二路 明之以文章 旌子孫不忘所謂福也 福祚之

不登叔父焉在 言福祚不在叔父當在誰邪 且昔而

高祖孫伯鷹司晉之典籍以為大政故曰籍氏 孫伯鷹晉

正卿籍談九世 及辛有之二子董之晉於是乎有董

史 辛有周人也其二子適晉為大史籍鷹與之共董督晉典因為董氏董狐其後 女司典之

後也何故忘之籍談不能對賓出王曰籍父其無後

乎數典而忘其祖 忘祖業○女音 籍談歸以告叔向

叔向曰王其不終乎吾聞之所樂必卒焉今王樂憂

若卒以憂不可謂終王一歲而有三年之喪二焉 子天

絕期唯服三年故後雖期通 於是乎以喪賓宴又求

彝器樂憂甚矣且非禮也彝器之來嘉功之由非由

喪也三年之喪雖貴遂服禮也 天子諸侯除喪當在卒哭今王既葬而除

故譏其 不遂 王雖弗遂宴樂以早亦非禮也 言今雖不能

嘿而便宴樂又失禮王之大經也一動而失二禮無

大經矣失二禮謂既不遂服又設宴樂言以考典考成也典以志經忘

經而多言舉典將焉用之為二十年王室亂傳

經乙亥景王十九年十有六年春齊侯伐徐○楚子誘我

蠻子殺之○夏公至自晉○秋八月己亥晉侯夷卒

未同盟○九月大雩○季孫意如如晉○冬十月葬昭

公葬速三月而

傳十六年春王正月公在晉晉人止公不書諱之也

猶以取鄭故也公為晉人所執止故諱不書○齊侯伐徐○楚子聞蠻氏

之亂也與蠻子之無質也質信也○質之實反或音致使然丹誘

戎蠻子嘉殺之遂取蠻氏既而復立其子焉禮也許

非也立其子禮也河南新城縣東南有蠻城○二月丙申齊師至于蒲隧

蒲隧徐地下邳取慮縣東有蒲如陂徐人行成徐子

及邾人莒人會齊侯盟于蒲隧賂以甲父之鼎甲父古國

名高平昌邑縣東南有甲父亭徐人得甲父鼎以賂齊叔孫昭子曰諸侯之無

伯害哉為小國害齊君之無道也興師而伐遠方會之有

成而還莫之亢也無亢無伯也夫詩曰宗周既滅靡所

止戾正大夫離居莫知我肄詩小雅戾定也肄勞也言周既為天下宗今乃

衰滅亂無息定執政大夫離居異心無有念民勞者也○肆以制反其是之謂乎傳言晉之

春秋傳卷之三十一 昭公六年 三十一

衰 ○附錄三月晉韓起聘于鄭鄭伯享之子產戒曰

苟有位於朝無有不共恪孔張後至立于客間子孔張

孫執政禦之執政掌位列適客後又禦之適縣閒縣

肆 ○縣 音玄 客從而笑之事畢富子諫富子鄭大夫曰夫

大國之人不可不慎也幾為之笑而不陵我言數見

陵侮我 ○幾居 豈反又音機 我皆有禮夫猶鄙我鄙賤也 ○國而

無禮何以求榮孔張失位吾子之耻也子產怒曰發

命之不衷衷當也 ○秉丁 出令之不信刑之頗類類

類以成偏頗 ○頗音多 獄之放紛放縱也 會朝之不

敬謂國無禮 使命之不聽下不從 取陵於大國罷民

而無功罪及而弗知僑之耻也孔張君之昆孫子孔

之後也昆兄也子孔鄭襄公兄 執政之嗣也子孔嘗

政為嗣大夫承命以使周於諸侯國人所尊諸侯所

知立於朝而祀於家卿得自立廟於 有祿於國受祿

有賦於軍軍出卿 喪祭有職有所 受脤歸脤受脤謂

肉賜大夫歸脤謂大夫祭歸肉於 其祭在廟已有著

位在位數世世守其業而忘其所僑焉得耻之其祭

謂助君祭 ○辟邪之人而皆及執政是先王無刑罰

也言為過謬者自應用子寧以他規我也規正○附錄

宣子有環其一在鄭商玉環同工共宣子謁諸鄭伯

謁請也子產弗與曰非官府之守器也寡君不知子大

叔子羽謂子產曰韓子亦無幾求言所求少○晉國

亦未可以二晉國韓子不可偷也偷薄若屬有讒人

交鬪其閒鬼神而助之以興其凶怒悔之何及吾子

何愛於一環其以取憎於大國也盍求而與之子產

曰吾非偷晉而有二心將終事之是以弗與忠信故

也僑聞君子非無賄之難立而無令名之患僑聞為

國非不能事大字小之難無禮以定其位之患夫大

國之人令於小國而皆獲其求將何以給之一共一

否為罪滋大滋益也○屬音燭難乃大國之求無禮

以斥之何厭之有吾且為鄙邑則失位矣不復成國

反若韓子奉命以使而求玉焉貪淫甚矣獨非罪乎

出一玉以起二罪吾又失位韓子成貪將焉用之且

吾以玉賈罪不亦銳乎銳細小也韓子買諸賈人既

成賈矣商人曰必告君大夫韓子請諸子產曰日起

請夫環執政弗義弗敢復也復重求也○成賈音嫁

請夫音扶重直用反

今買諸商人商人曰必以聞敢以為請子產對曰昔

我先君桓公與商人皆出自周鄭本在周畿內桓公東遷并與商人俱

庸次比耦庸用也用次更相從耦耕○比毗志反以艾殺此地斬之蓬

蒿藜藿而共處之世有盟誓以相信也曰爾無我叛

我無強賈無強市其物○艾魚廢反藿徒弔反強奪同又其良反毋或句

奪爾有利市寶賄我勿與知恃此質誓故能相保以

至于今今吾子以好來辱而謂敝邑強奪商人是教

敝邑背盟誓也毋乃不可乎吾子得玉而失諸侯必

不為也若大國令而共無藝藝法也鄭鄙邑也亦弗為

也不欲為鄙邑之事僑若獻玉不知所成敢私布之布陳也韓

子辭玉曰起不敏敢求玉以徼二罪敢辭之傳言子產知禮

宣子能改過徼古克反○附錄夏四月鄭六卿餞宣子於郊餞送

酒飲宣子曰二三君子請皆賦起亦以知鄭志詩言志也

子齋賦野有蔓草子齋子皮之子嬰齊也野有蔓草詩鄭風取其邂逅相遇適我願兮

○齋才何反字林才可反宣子曰孺子善哉吾有望矣君子相願已所望也

子產賦鄭之羔裘言鄭別於唐羔裘也取其彼已之子舍命不渝邦之彥兮以美韓子

○已音記捨音赦又音捨宣子曰起不堪也不堪國司直子大叔賦褰

裳褰裳詩曰子惠思我褰裳涉溱子不我思豈無他人言宣子思已將有褰裳之志如不我思亦豈無

他人宣子曰起在此敢勤子至於他人乎言已今崇好在此不復令

子適他人子大叔拜謝宣子宣子曰善哉子之言是是褻

不有是事其能終乎韓起不欲令鄭求他人子大叔拜以答之所以晉鄭終善

子游賦風雨子游駟帶之子駟偃也風雨詩取其既見君子云乎不夷子旗賦有

女同車子旗公孫段之子豐施也有女同車取其洵美且都愛樂宣子之志樂音洛又五孝反

子柳賦擗兮子柳印段之子印癸也擗兮詩取其倡和女言宣子倡已將和從之○擗他

洛反宣子喜曰鄭其庶乎庶幾於興盛二三君子以君命貺

起賦不出鄭志六詩皆鄭風故皆昵燕好也昵親也賦不出其國以示親好

○昵女乙反二三君子數世之主也可以無懼矣

宣子皆獻馬焉而賦我將我將詩頌取其日靖四方我共夙夜畏天之威言志

在靖亂畏懼天威子產拜使五卿皆拜曰吾子靖亂敢不拜

德宣子私覲於子產以玉與馬曰子命起舍夫玉是

賜我玉而免吾死也敢不藉手以拜以玉馬藉手拜謝○公

至自晉晉聽公婦子服昭伯語季平子昭伯惠伯之子子服回也隨公從晉

還曰晉之公室其將遂卑矣君幼弱六卿彊而奢傲

將因是以習習實為常能無卑乎平子曰爾幼惡識

國昭伯尚少平子不信其言○惡鳥路反○秋八月晉昭公卒為下平子如晉

起葬○九月大雩旱也○附錄鄭大旱使屠擊祝款豎

柎有事於桑山○三子鄭大夫有事祭也柎音附又方于反斬其木不雨

子產曰有事于山執山林也○執養護令繁而斬其木

其罪大矣奪之官邑○冬十月季平子如晉葬昭公

平子曰子服回之言猶信○自往見之子服氏有子哉

有賢子也

經丙子景王二十有七年春小邾子來朝○夏六月

甲戌朔日有食之○秋邾子來朝八月晉荀吳帥

師滅陸渾之戎○渾戶反冬有星孛于大辰大辰房

妖變非常故○楚人及吳戰于長岸吳楚兩敗莫肯

而不書敗也長岸楚地

傳十七年春小邾穆公來朝公與之燕季平子賦采

叔采叔詩小雅取其君子來朝穆公賦菁菁者莪菁菁

者莪亦詩小雅取其既見○昭子曰不有以國其能久

乎嘉其能答賦言其賢故能久有國○夏六月甲戌朔日有食之祝

史請所用幣禮正陽之月日食當昭子曰日有食之

天子不舉不舉盛饌代鼓於社責群諸侯用幣於社請上

伐鼓於朝退自禮也平子禦之禦禁曰止也唯正月

朔慝未作日有食之於是乎有伐鼓用幣禮也其餘

則否大史曰在此月也

正月謂建巳正陽之月也於周為六月於夏為四月慝陰

氣也四月純陽用事陰氣未動而侵陽災重故有伐鼓用幣之禮也平子以為六月非正月故大史荅言

在此月也

日過分而未至

過春分而未夏至

三辰有災

三辰日月

星也日月相侵又犯

於是乎百官降物

降物素服

君不舉

君不舉

辟移時

辟正寢過日食時

樂奏鼓

祝用幣

史用辭

以自責

故夏書曰辰不集于房

逸書也集安也房舍也日月不安其舍則食

警奏鼓

警樂師

嗇夫馳庶人走

車馬曰馳步曰走為救日食備也

此月

朔之謂也當夏四月謂之孟夏

言此六月當夏家之四月

平子弗

從昭子退曰夫子將有異志不君君矣

安君之災故曰有異志

○秋郟子來朝公與之宴昭子問焉曰少皞氏鳥名

官何故也

少皞金天氏黃帝之子巳姓之祖也問何故以鳥名官

郟子曰吾祖

也我知之昔者黃帝氏以雲紀故為雲師而雲名

黃帝

軒轅氏姬姓之祖也黃帝受命有雲瑞故以雲紀事百官師長皆以雲為名號縉雲氏蓋其一官也

帝氏以火紀故為火師而火名

炎帝神農氏姜姓之祖也亦有火瑞以火

紀事名百官

共工氏以水紀故為水師而水名

共工以諸侯霸有九

州者在神農前大皞後亦受水瑞以水名官○共音恭

大皞氏以龍紀故為龍

師而龍名

大皞伏羲氏風姓之祖也

我高祖少皞摯之

立也鳳鳥適至故紀於鳥為鳥師而鳥名鳳鳥氏歷

正也鳳鳥知天時故玄鳥氏司分者也玄鳥燕也以春分來秋分

去伯趙氏司至者也伯趙伯勞也以夏至鳴冬至止青鳥氏司啓者

也青鳥鶻也以立春鳴立丹鳥氏司閉者也丹鳥鶻也

也以立秋來立冬去入大水為雁上四鳥祝鳩氏司

徒也祝鳩鳩也鳩鳩孝故為鳴鳩氏司馬也鳴鳩

也鷲而有別故為司馬主鳴鳩氏司空也鳴鳩鳩也

均故為司空平水上鷲爽鳩氏司寇也爽鳩鷹也

寇主鷲鷲鳩氏司事也鷲鳩鷲也春來五鳩鳩民者

也鷲聚也治民上五雉為五土正五雉雉有五種東

翟維北方曰鷲辨伊洛之南曰翬雉西方曰鷲雉鷲

韋利器用正度量夷民者也夷平也九扈為九農

正扈有九種也春扈鷲鷲夏扈竊玄秋扈竊藍冬扈

扈鷲鷲以九扈為九農之號各隨其宜以教民事○

音賁又扈民無淫者也使不淫放自顓頊以來不

能紀遠乃紀於近為民師而命以民事則不能故也

顓頊氏代少皞者德不能仲尼聞之見於郊子而學

之於是仲尼既而告人曰吾聞之天子失官學在四

夷猶信失官官不脩其職也○晉侯使屠蒯如周請

有事於雒與三塗屠蒯晉侯之膳宰也以忠諫見進雒雒水也三塗山名在陸渾南

蒯苦怪反莨弘謂劉子曰客容猛非祭也其伐戎乎陸渾

氏甚睦於楚必是故也君其備之乃警戎備警戎以備戎也

欲因可九月丁卯晉荀吳帥師涉自棘津河津名使祭

史先用牲于雒陸渾人弗知師從之庚午遂滅陸渾

數之以其貳於楚也陸渾子奔楚其眾奔甘鹿甘鹿周地

周大獲先警戎備故獲宣子夢文公攜荀吳而授之陸渾故

使穆子帥師獻俘于文公欲以應夢○冬有星孛于大辰

西及漢夏之八月辰星見在天漢西今孛星出辰西光芒東及天漢申須曰彗所

以除舊布新也申須魯大夫○彗似銳反又息遂反天事恒象天道恒以象類

告示今除於火火出必布馬諸侯其有火災乎今火向伏

故知當須火出乃布散為災乎梓慎曰往年吾見之是其徵也徵始有有形

象而微也火出而見前年火出時○見賢遍反今茲火出而章必火入

而伏隨火沒也其居火也久矣歷二年其與不然乎言必然也○與

如字又音預火出於夏為三月謂昏見也於商為四月於周為

五月夏數得天得天正若火作其四國當之在宋衛陳

鄭乎宋大辰之虛也大辰大火宋分野○虛起居反下同陳大皞之虛

也大皞居陳木火所自出鄭祝融之虛也祝融高辛氏之火止居鄭皆火房

也房舍也星亭及漢漢水祥也天漢水也衛顛頊之虛也故

為帝丘衛今濮陽縣昔帝顛頊居之其城內有顛頊冢其星為大水衛星營室

也水火之牡也牡雄也其以丙子若壬午作乎水火所

以合也丙午火壬子水水火合而相薄水少若火入

而伏必以壬午尚未知今亭星當復隨火星不過其

見之月火見周之五月鄭裨竈言於子產曰宋衛陳鄭將同

日火若我用瓘斝王瓚鄭必不火瓘珪也斝王爵也瓚

才旦反勺上若反子產弗與以為天災流行非禳

衛陳鄭災傳○吳伐楚陽句為令尹卜戰不吉陽句穆王曾孫令尹

子司馬子魚曰我得上流何故不吉子魚公子魚也順江而下易用

勝敵魴音房○且楚故司馬令龜我請改卜令曰魴也以其

屬死之楚師繼之尚大克之吉得吉兆戰于長岸子魚

先死楚師繼之大敗吳師獲其乘舟餘皇餘皇舟名

又繼證反使隨人與後至者守之環而塹之及泉環周也

字又音患盈其隧炭陳以待命隧出道吳公子光光諸樊請

於其衆曰喪先王之乘舟豈唯光之罪衆亦有焉請

藉取之以救死藉衆之力衆許之使長鬣者三人長鬣

多髭鬚與吳人異形狀詐為楚人○鬣力輒反吳中二百全五潛伏於舟側曰我呼餘皇則

對師夜從之師吳師也○呼三呼皆迭對也楚人
從而殺之楚師亂吳人大敗之取餘皇以歸傳言吳
光有謀

春秋左氏經傳集解卷之二十三

春秋左氏經傳集解卷二十四

昭公

經丁丑景王二十一年十有八年○春王三月曹伯須卒

未同盟而○夏五月壬午宋衛陳鄭災來告故書
天火曰災

○六月邾人入郕郕國在今琅邪郡開陽
縣○郕音禹又音矩○秋葬

曹平公○冬許遷于白羽自葉遷也畏鄭而樂遷
故以自遷為文○葉始

涉反

傳十八年附錄春王二月乙卯周毛得殺毛伯過

毛伯過周大夫得而代之代居萇弘曰毛得必亡

春秋左氏傳集解卷之二十三 昭公二十一年 陶文燧四冊

是昆稔之日也侈故之以

昆吾夏伯也稔熟也侈惡積熟以乙卯日與桀

同誅○

而毛得以濟侈於王都不亡何待

為二十六年毛

伯奔

○三月曹平公卒

為下會葬見原伯起本

○夏五月火

始昏見

火心星○

丙子風梓慎曰是謂融風火之

始也

東北曰融風融風木也木火母故曰火之始

七日其火作乎

從丙子至

壬午七日壬午水火合之日故知當火作

戊寅風甚壬午大甚宋衛陳

鄭皆火梓慎登大庭氏之庫以望之

大庭氏古國名在魯城內

皆來告火

言經所以書○數所主反

裨竈曰不用吾言鄭又將

魯曾於其處作庫高顯故登以望氣參近古以審前年之言

曰宋衛陳鄭也數日

火

前年裨竈欲用瓘筆禳火子產不聽今復請用之

鄭人請用之

信竈子

產不可子大叔曰寶以保民也若有火國幾亡可

以救亡子何愛焉子產曰天道遠人道邇非所及

也何以知之竈焉知天道是亦多言矣豈不或信

多言者或時有中○幾音祈又音機

遂不與亦不復火

傳言天道難明雖裨竈猶

盡知也鄭之未災也里析告子產曰將有大祥

里析

鄭大夫祥變異之氣

民震動國幾亡吾身泯焉弗良及也

言將

先災死○

國遷其可乎子產曰雖可吾不足以定

遷矣

子產知天災不可逃非遷所免故託以知不足

及火里析死矣未葬

子產使輿三十人遷其柩以其嘗臨已言故火作子產辭

晉公子公孫于東門晉人新來未入故辭不使前也使司寇出新

客新來聘者禁舊客勿出於宮為其知國情不欲令去使子寬子

上巡群屏攝至于大宮二子鄭大夫屏攝祭祀之位大宮鄭祖廟巡行宗廟

不得使火及之使公孫登徙大龜登開卜大夫使祝史徙

主祔於周廟告於先君祔廟主石也周廟厲王廟也有火災故合群王於祖

使府人庫人各儆其事儆備火也商成公儆

司宮商成公鄭大夫之官出舊宮人寘諸火所不及

司馬司寇列居火道備非常也行火所燬燬

城下之人伍列登城為部伍登城備姦也明日使野

司寇各保其徵野司寇縣士也大之明日四方乃聞災故戒保所徵役之人郊

人助祝史除於國北為祭處於國北者就大陰禳火禳火于玄冥

回祿玄冥水神回祿火神祈于四鄘鄘城也城積土陰氣所聚故祈祭之以禳火之

書焚室而寬其征與之材征賦也三日哭國

不市示憂戚不會市使行人告于諸侯宋衛皆如是陳不

救火許不弔災君子是以知陳許之先亡也不義所以

六月邠人藉稻邠姪姓國也其君自出藉稻蓋履行之邠人襲

邠邠人將閉門邠人羊羅攝其首焉斬得閉門者頭遂入

春秋左傳集解卷三十四

之盡俘以歸鄆子曰余無歸矣從帑於邾邾莊公

反鄆夫人而舍其女為明年宋伐邾起○秋葬曹平

公往者見周原伯魯焉原伯魯魯周大夫與之語不說學歸

以語閔子馬閔子馬曰周其亂乎夫必多有是說

而後及其大人國亂俗壞言者適多漸以及大人

人患失而惑又曰可以無學無學不害患不學而失道者以

不害而不學則苟而可以為無害遂不學於

是乎下陵上替能無亂乎夫學殖也不學將落原

氏其亡乎殖生長也言學之進德如農之殖苗日新日益附錄七月鄭子

產為火故為大社為治也○為火于祓禳於四方振

除火災禮也振棄也○祓芳佛反乃簡兵大蒐將為蒐除治兵於廟

子大叔之廟在道南其寢在道北其庭小庭蒐場也

過期三日處小不得一時畢○處昌慮反使除徒陳於道南廟

北曰子產過女而命速除乃毀於而鄉而女也毀女所鄉○女音

汝鄉許亮反子產朝朝君過而怒之怒不毀除者南毀子產及

衝使從者止之曰毀於北方言子產仁不忍毀人廟火之作也

子產授兵登陴子大叔曰晉無乃討乎辭晉公子公孫而授兵似

若叛晉子產曰吾聞之小國忘守則危况有災乎國之

不可小有備故也既晉之邊吏讓鄭曰鄭國有災晉

君大夫不敢寧居卜筮走望不愛牲玉鄭之有災寡

君之憂也今執事擱然授兵登陴擱然勁忿貌將以

誰罪邊人恐懼不敢不告子產對曰若吾子之言敝

邑之災君之憂也敝邑失政天降之災又懼讒慝之

間謀之以啓貪人荐為敝邑不利荐重也以重君

之憂幸而不亡猶可說也說解不幸而亡君雖憂之

亦無及也鄭有他竟望走在晉言鄭雖與他國為竟每瞻望晉歸赴之

既事晉矣其敢有二心傳言子產有備○楚左尹王子勝言

於楚子曰許於鄭仇敵也而居楚地以不禮於鄭五

年平王復遷邑許自夷還居葉恃楚而不事鄭晉鄭方睦鄭若伐許而晉助

之楚喪地矣君盍遷許許不專於楚自以舊國不專心事楚鄭

方有令政許曰余舊國也許先鄭封鄭曰余俘邑也隱十年

鄭滅許而復存之故曰我俘邑葉在楚國方城外之蔽也為方城外之蔽障

土不可易易也○易輕以豉反國不可小謂鄭許不可俘讎不可

啓君其圖之楚子說冬楚子使王子勝遷許於析實

白羽於傳時白羽改為析

經戊寅景王二十二年十有九年春○宋公伐邾為邾○夏五

月戊辰許世子山弒其君買加弒者責止不舍○已

卯地震無傳○秋齊高發帥師伐莒○冬葬許悼公無傳

傳十九年春○附錄楚工尹赤遷陰于下陰陰縣今屬南鄉

郡令尹子瑕城郟叔孫昭子曰楚不在諸侯矣其僅

自完也以持其世而已遷陰城郟皆欲以自完守○附錄楚子之

在蔡也蓋為大夫時往聘蔡郟陽封人之女奔之生太子建郟陽

蔡邑○郟及即位使伍奢為之師伍奢伍舉之子伍員之父○頁音云

費無極為少師無寵焉欲譖諸王曰建可室矣室妻也

王為之聘於秦無極與逆勸王取之正月楚夫人羸

氏至自秦王自取之故稱夫人至為下○鄆夫人宋

向戌之女也故向寧請師寧向戌子也請於宋公伐

二月宋公伐邾圍蟲三月取之蟲邾邑不書圍取不以告○蟲直中反

乃盡歸鄆俘○夏許悼公瘡五月戊辰飲太子止之

藥卒止獨進藥不由醫太子奔晉書曰弒其君君子曰

盡心力以事君舍藥物可也藥物有毒當由醫非凡人所知訖止不舍藥物

所以加弒君之名○舍音捨○邾人邾人徐人會宋公乙亥同盟

於蟲終宋公伐邾事○附錄楚子為舟師以伐濮濮南

也夷費無極言於楚子曰晉之伯也邇於諸夏而楚辟

陋故弗能與爭若大城城父而寘太子焉城父今襄城城父縣

○伯音霸以通北方王收南方是得天下也王說從

之故太子建居于城父令尹子瑕聘于秦拜夫人也

為明年諳太子張本○秋齊高發帥師伐莒莒不事齊故

莒子奔紀鄆紀鄆莒邑也東海贛榆縣使孫書伐之

孫書陳無字初莒有婦人莒子殺其夫已為嫠婦寡

為嫠○及老託於紀鄆紡焉以度而去之因紡纏連所紡以度

嫠音釐及師至則投諸外投繩城外或獻諸子占子占使師夜縋而登縋繩登城登者六

十人縋絕師鼓譟城上之人亦譟莒共公懼啓西門

而出七月丙子齊師入紀傳言怨○附錄是歲也鄭

駟偃卒子游娶於晉大夫生絲弱子游駟偃也弱幼少其父兄

立子瑕子瑕子游叔父駟乞子產憎其為人也憎子瑕且以為不

順舍子立叔弗許亦弗止許之為違禮止之駟氏聳

聳懼他日絲以告其舅冬晉人使以幣如鄭問駟乞

之立故駟氏懼駟乞欲逃子產弗遣請龜以下亦弗

予大夫謀對子產不待而對客曰鄭國不天不獲天福寡

君之二三臣札瘥天昏天死曰札小瘥曰瘥短折曰天未名曰昏今又喪

札瘥天昏短折曰天未名曰昏今又喪

我先大夫偃其子幼弱其一二父兄懼隊宗主私族

於謀而立長親於私族之謀宜寡君與其二三老曰

抑天實剝亂是吾何知焉言天自欲亂駟諺曰無過

亂門民有兵亂猶憚過之而况敢知天之所亂今大

夫將問其故抑寡君實不敢知其誰實知之平丘之

會在十三年。過君尋舊盟曰無或失職若寡君之

二三臣其即世者晉大夫而專制其位是晉之縣鄙

也何國之為辭客幣而報其使晉人舍之遣人報晉

史○附錄楚人城州來沈尹戌曰楚人必敗十三年

來今就城而取之戌莊王曾孫葉昔吳滅州來在十

子旗請伐之王曰吾未恤吾民今亦如之而城州來

以挑吳能無敗乎侍者曰王施舍不倦息民五年可

謂撫之矣戌曰吾聞撫民者節用於內而樹德於外

民樂其性而無寇讎今宮室無量民人日駭勞罷死

轉轉遷徙也。挑徒忘寢與食非撫之也傳言平王

霸○附錄鄭大水龍鬪於時門之外洧淵時門鄭城

出榮陽密縣東南至潁川國人請為祭焉子產弗許

曰我鬪龍不我覲也覲見也。龍鬪我獨何覲焉

春秋左傳集解 卷之二十四

之則彼其室也淵龍吾無求於龍龍亦無求於我乃

止也傳言子○附錄令尹子瑕言蹶由於楚子蹶由吳王

弟五年靈王執以曰彼何罪諺所謂室於怒市於色

者楚之謂矣言靈王怒吳子而執其弟猶舍前之忿

可也乃歸蹶由言楚子能用善言

經已卯景王二十三年二十年春王正月○夏曹公孫會自

鄭出奔宋無傳嘗有玉帛之使來告故○秋盜殺衛

侯之兄縶齊豹作而不義故書曰盜所○冬十月宋

華亥向寧華定出奔陳與君爭而出皆書名○十有

一月辛卯蔡侯廬卒無傳未同盟而赴以名

傳附錄二十年春王二月己丑日南至是歲朔旦冬

言正月己丑朔日南至時史失閏閏更在二月後故

經因史而書正月傳更其於二月記南至日以正歷

也梓慎望氛氛氣也時魯侯不行登曰今茲宋有亂

國幾亡三年而後弭蔡有大喪為宋華向出叔孫昭

子曰然則戴桓也戴族華氏汰多無禮已甚亂所在

也傳言妖○附錄費無極言於楚子曰建與伍奢將

以方城之外叛自以為猶宋鄭也齊晉又交輔之將

以害楚其事集矣王信之問伍奢伍奢對曰君一

過多矣

一過納建妻也

何信於讒王執伍奢

念奢切言

使城父司

馬奮揚殺大子未至而使遣之

知大了寃故遣令去

三月大子

建奔宋王召奮揚奮揚使城父人執已以至王曰言

出於余口入於爾耳誰告建也對曰臣告之君王命

臣曰事建如事余臣不佞

佞才也

不能苟貳奉初以還

奉初命以周旋

不忍後命故遣之既而悔之亦無及已王曰

而敢來何也對曰使而失命召而不來是再奸也

犯奸

也○使所吏反又如字也

逃無所入王曰歸從政如他日

善其言舍使還

無極曰奢之子材若在吳必憂楚國盍以免其父召

之彼仁必來不然將為患王使召之曰來吾免而父

棠君尚謂其弟負

棠君奢之長子尚也為棠邑大夫負尚弟子音○負音云

曰爾

適吳我將歸死吾知不逮

自以知不及負○知音智

我能死爾能

報聞免父之命不可以莫之奔也親戚為戮不可以

莫之報也奔死免父孝也度功而行仁也

仁者貴成功○度待

洛擇任而往知也

負任報離反○任音王

知死不辟勇也

尚為父勇

不可弃

俱去為弃父

名不可廢

俱死為廢名也

爾其勉之相從為

愈

愈差也

伍尚歸奢聞負不來曰楚君大夫其盱食乎

將有吳憂不得早食○盱古旦反

楚人皆殺之負如吳言伐楚之利

於州于

州于吳子僚

公子光曰是宗為戮而欲反其讎不

可從也

光吳公子闔廬也反復也

貞曰彼將有他志

光欲弑僚不利貞用事故

破其議而員亦知之

余姑為之求士而鄙以待之

計未得用故進勇士以求

入於光退居邊鄙

乃見鱒設諸焉

鱒諸勇士

而耕

於鄙

為二十七年吳弑僚傳

○附錄宋元公無信多私而惡華

向華定華亥與向寧謀曰亡愈於死先諸

恐元公殺已欲先作

亂○惡

華亥偽有疾以誘群公子公子問之則執之

夏六月丙申殺公子寅公子御戎公子朱公子固公

孫援公孫丁拘向勝向行於其廩

八子皆公黨○御魚呂反又如字

公如華氏請焉弗許遂劫之

劫公癸卯取大子欒與母

弟辰公子地以為質

欒景公也辰及地皆元公弟○質音致案公子辰是景公之母

弟地是辰兄當為元公之子今作元公弟誤

公亦取華亥之子無感向寧

之子羅華定之子啓與華氏盟以為質

為此冬華向出奔傳○

衛公子孟縶狎齊豹

公子孟靈公兄也齊豹齊惡之子為衛司寇狎輕也

奪之司

寇與郵

郵豹邑○郵音絹

有役則反之無則取之

繫足不良故有役則

以官邑還

公子孟惡北宮喜褚師圍欲去之

喜貞子○惡鳥路反

褚中

公子朝通于襄夫人宣姜

宣姜靈公嫡母○朝如字懼而欲

以作亂故齊豹北宮喜褚師圍公子朝作亂初齊豹

見宗魯於公孟薦達也。見賢遍反。為驂乘焉為公孟驂乘。將作亂

而謂之曰公孟之不善子所知也勿與乘吾將殺之

對曰吾由子事公孟子假吾名焉故不吾遠也言子借我

以善名故公孟親近我。與音預又如字遠千萬反。雖其不善吾亦知之抑以

利故不能去是吾過也今聞難而逃是僭子也君子言不

信也。乃旦反。子行事乎吾將死之以周事子周猶終而

歸死於公孟其可也丙辰衛侯在平壽平壽衛下邑。公孟

有事於蓋獲之門外有事祭也蓋獲衛郭門。齊子氏帷於門外

而伏甲焉齊豹之家。使祝龜寘戈於車薪以當門要其前也。龜

鳥媯反。使一乘從公孟以出亦如前車寘戈於薪尋其

使華齊御公孟宗魯驂乘及閔中閔曲門中。華戶化反。齊氏

用戈擊公孟宗魯以背蔽之斷肱以中公孟之肩皆

殺之公聞亂乘驅自閔門入慶比御公公南楚驂乘

使華寅乘貳車公副車。仲反。比如字又吡志反。及公宮鴻

駟駘駟乘于公鴻駟駘復就公乘一車。四人。駟音留。駘音頽。公載寶以出

褚師子申遇公于馬路之衢遂從從公出。才用反。過齊氏

使華寅肉袒執蓋以當其闕肉袒示不敢與齊氏爭。執蓋蔽公而去闕空也。

以蓋當侍從。空闕之處。齊氏射公中南楚之背公遂出寅閉郭

門不欲令追者出踰而從公踰郭出○(從)才公如死

鳥死鳥析朱鉏宵從竇出徒行從公朱鉏成子黑背

齊侯使公孫青聘于衛青頃公之孫既出聞衛亂使

請所聘公曰猶在竟內則衛君也乃將事焉將事行聘事○

竟音遂從諸死鳥請將事辭曰亡人不佞失守社稷

越在草莽吾子無所辱君命賓曰寡君命下臣於朝

曰阿下執事阿比也命已臣不敢貳貳違命也主人曰君

若惠顧先君之好照臨敝邑鎮撫其社稷則有宗祧

在言受聘當乃止聘事衛侯固請見之欲與青不

獲命以其良馬見以為相見之禮○為未致使故也

木致使故不敢以客衛侯以為乘馬喜其敬已故貴

禮見○(為)于偽反主人辭曰亡人之

憂不可以及吾子草莽之中不足以辱從者敢辭賓

曰寡君之下臣君之牧圉也若不獲扞外役是不有

寡君也有相親有○臣懼不免於戾請以除死親執

鐸終夕與於燎設火燎以備守○與音預下不齊氏

之宰渠子召北宮子北宮喜也北宮氏之宰不與聞謀殺

渠子遂伐齊氏滅之丁巳晦公入與北宮喜盟于彭

水之上喜本與齊氏同謀秋七月戊午朔遂盟國人

八月辛亥公子朝褚師圃子玉霄子高魴出奔晉齊皆

氏閏月戊辰殺宣姜與公子朝通謀故衛侯賜北宮喜謚曰

貞子滅齊氏故賜析朱鉏謚曰成子霄從公故而以齊氏之墓

子之皆未死而賜謚及墓田傳終而言之衛侯告寧于齊且言子石子

公孫青言其有禮齊侯將飲酒徧賜大夫曰二三子之教也

喜青敬衛侯苑何忌辭曰與於青之賞必及於其罰何忌齊大

夫言青若有罪亦當并受其罰死於元反在康誥曰父子兄弟罪不相

及尚書况在羣臣臣敢貪君賜以干先王言受賜則犯康誥之

義琴張聞宗魯死琴張孔子弟子將往弔之仲尼曰

齊豹之盜而孟縶之賊女何弔焉言齊豹所以為盜孟縶所以見賊皆

莊宗魯女音汝君子不食姦知公孟不善而受不受亂許

行事是受亂也不為利疚於回疚病回邪也以利故不能去

不以回待人知難不告是以邪不蓋不義以周事豹

不犯非禮以二心事宋華向之亂公子城平公公

孫忌樂舍舍樂喜孫司馬彊向宜向鄭宜鄭皆楚建楚平

亡大子郟甲小邾穆公子出奔鄭八子宋大夫皆其徒

與華氏戰于鬼闔八子之徒眾也賴川長平縣西北

敗子城子城適晉

子城為華氏所敗別走至晉為華

亥與其妻必盥而食所質公子者而後食公與夫人

每日必適華氏食公子而後歸華亥患之欲歸公子

向寧曰唯不信故質其子若又歸之死無日矣公請

於華費遂將攻華氏

遂大司馬華氏族○

對曰臣不

敢愛死無乃求去憂而滋長乎

恐殺太子憂益長○去起呂反長丁丈反

臣是以懼敢不聽命公曰子死亡有命余不忍其詢

詢耻也○詢許候反

冬十月公殺華向之質而攻之戊辰華向

奔陳華登奔吳

登費遂之華黨子向者

向寧欲殺太子華亥曰

干君而出又殺其子其誰納我且歸之有庸

可以為功善

使少司寇控以歸

以三公子歸公也控華

曰子之齒

長矣不能事人以三公子為質必免

質信也送公子歸可以自明不

叛之信○質如字

公子既入華控將自門行

從公門去公遽見之

執其手曰余知而無罪也入復而所

而女也所

○附

錄齊侯亦遂疢

疢瘡疾○疢失庶反

期而不瘳諸侯之賓問疾

者多在

多在齊○期音基

梁丘據與裔欵

二子齊嬖大夫

言於公曰

吾事鬼神豐於先君有加矣今君疾病為諸侯憂是

祝史之罪也諸侯不知其謂我不敬君盍誅於祝固

史嚳以辭賓欲殺嚳固以辭謝來問公說告晏子晏

子曰日宋之盟日往日也宋盟在襄二十七年○說音悅屈建問范會之

德於趙武趙武曰夫子之家事治言於晉國竭情無

私其祝史祭祀陳信不愧其家事無猜其祝史不祈

家無猜疑之事故祝史無求於鬼神○居居勿反建以語康王楚主○語康

王曰神人無怨宜夫子之光輔五君以為諸侯主也

五君文襄靈成景公曰據與欵謂寡人能事鬼神故欲誅於

祝史子稱是語何故對曰若有德之君外內不廢無

事上下無怨動無違事其祝史薦信無愧心矣君有功德

祝史陳說之無所愧是以鬼神用饗國受其福祝史與焉與受國福

○與音預其所以蕃祉老壽者為信君使也其言忠信於

鬼神其適遇淫君外內頗邪上下怨疾動作辟違從

欲厭私使私情厭足○隨音何反辟匹亦反從高臺

深池撞鐘舞女斬刈民力輸掠其聚掠奪取也○掠音亮以成

其違不恤後人暴虐淫從肆行非度無所還忌還猶顧也

不思謗讟不憚鬼神怒民痛無悛於心其祝史薦

信是言罪也以實白神是其蓋失數美是矯誣也蓋掩

也○數音反進退無辭則虛以求媚作虛辭以是以鬼神

不饗其國以禍之祝史與焉所以天昏孤疾者為暴

君使也其言僭慢於鬼神公曰然則若之何對曰不

可為也言非誅祝史所能治山林之木衡鹿守之澤之荏蒲舟

鮫守之藪之薪蒸虞侯守之海之鹽蜃祈望守之衡鹿

舟鮫虞侯祈望皆官名也言公專守山澤之利不與民共○荏音九蜃市軫反縣鄙之人入

從其政偏介之關暴征其私介隔也迫近國都之關

為近關所征稅枉暴奪其私物○其政如字一音征承嗣大夫強易其賄承嗣大夫

世位者○布常無藝藝法制也言布政無法制徵歛無度宮室日

更淫亂不違違去內寵之妾肆奪於市肆放外寵之

臣僭令於鄙詐為教令私欲養求不給則應養長也

給則應之以罪民人苦病夫婦皆詛祝有益也詛亦有損聊

攝以東聊攝齊西界也平原聊城縣東姑尤以西姑尤

齊東界也姑水尤水皆在城陽郡東南入海其為人也多矣雖其善祝豈

能勝億兆人之詛萬萬曰億君若欲誅於祝史脩德

而後可公說使有司寬政毀關去禁薄歛已責除逋責

去起呂反歛方驗反○附錄十二月齊侯田于沛言疾

責本作債逋布胡反愈行獵沛澤招虞人以弓不進虞人掌山澤之官公使執之

辭曰昔我先君之田也旃以招大夫弓以招士皮寇

以招虞人臣不見皮寇故不敢進乃舍之仲尼曰守

道不如守官君招當往道之常也君子韙之韙是也

附錄齊侯至自田晏子侍于湍臺子猶馳而造焉子猶

公曰唯據與我和夫晏子對曰據亦

同也焉得為和公曰和與同異乎對曰異和如羹焉

水火醯醢鹽梅以烹魚肉燂之以薪燂炊也○夫音

宰夫和之齊之以味濟其不及以洩其過濟益也洩減也

○齊才細反又如字君子食之以平其心君臣亦然亦如君所

謂可而有否焉否不臣獻其否以成其可獻君之否以成君可

君所謂否而有可焉臣獻其可以去其否是以政平

而不干民無爭心故詩曰亦有和羹既戒既平詩頌殷中

宗言中宗能與賢者和齊可否其政如羹敬戒鬻

無言時靡有爭鬻總也和羹○和齊並如字鬻皆如和羹○鬻子工反鬻古雅反

先王之濟五味也濟成和五聲也以平其心成其政也

聲亦如味一氣須氣以動二體舞者有文武三類風雅頌四物雜用

四方之物五聲宮商角徵羽六律黃鍾太簇姑洗蕤賓夷則無射也陽聲為律陰

聲為呂此十七音周武王伐紂自午及于凡七日王

同其數以律和八風八方九歌九功之德皆可歌也

其聲謂之七音六府三事謂之九功

○六府金木水火土穀以相成也言此九者合然清後相成爲和樂

濁小大短長疾徐哀樂剛柔遲速高下出入周疏以

相濟也周密君子聽之以平其心心平德和故詩曰

德音不瑕詩豳風也義取心平則德音無瑕闕今據不然君所謂可據

亦曰可君所謂否據亦曰否若以水濟水誰能食之

若琴瑟之專壹誰能聽之同之不可也如是飲酒樂

公曰古而無死其樂若何晏子對曰古而無死則古

之樂也君何得焉昔爽鳩氏始居此地爽鳩氏少皞季氏之司寇也季

荊因之季荊虞夏諸侯代爽鳩氏者○荊仕側反有逢伯陵因之逢伯陵殷諸侯

姜蒲姑氏因之蒲姑氏殷周之間代逢公者○而後大公因之古若

無死爽鳩氏之樂非君所願也齊侯甘於所樂志於不死晏子稱古以節

其情願○附錄鄭子產有疾謂子大叔曰我死子必爲

政唯有德者能以寬服民其次莫如猛夫火烈民望

而畏之故鮮死焉水懦弱民狎而翫之狎輕也則多死

焉故寬難難以治疾數月而卒大叔爲政不忍猛而寬鄭

國多盜取人於萑苻之澤萑苻澤名於澤中劫人○音丸苻音蒲又如字

大叔悔之曰吾早從夫子不及此興徒兵以攻萑苻

之盜盡殺之盜少止仲尼曰善哉政寬則民慢慢則

糾之以猛糾猶攝也猛則民殘殘則施之以寬寬以濟猛

猛以濟寬政是以和詩曰民亦勞止汔可小康惠此

中國以綏四方施之以寬也詩大雅汔其也康綏皆安也周厲王暴虐民勞

於苛政故詩人刺之欲其施之以寬毋從詭隨詭人隨人無正心不以

謹無良謹勅也式遏寇虐慘不畏明糾之以猛也式用也

止也慘曾也言為寇虐曾不畏明法者亦當用猛政糾治之柔遠能邇以定我王

平之以和也柔安也邇近也遠者懷附又曰不競不

不綈不剛不柔詩殷頌言湯政得中和競布政優優

百祿是適優優和也適聚也和之至也及子產卒

仲尼聞之出涕曰古之遺愛也子產見愛有古人之遺風

經庚辰景王二十四年二十有一年○春王三月葬蔡平公

○夏晉侯使士鞅來聘晉頃公即位通嗣君○宋華亥向寧華

定自陳入于宋南里以叛白外至故曰入披其邑故曰叛南里宋城內里名○

秋七月壬午朔日有食之○八月乙亥叔輒

卒叔弓之子伯張○冬蔡侯朱出奔楚朱為大子則失位遂微弱為國人所逐故

○公如晉至河乃復晉人辭為文

傳附錄二十一年春天王將鑄無射周景王也無射鍾名律中無射

○射泠州鳩曰王其以心疾死乎泠樂官州鳩其名音亦泠力丁反

夫樂天子之職也職所主也夫音樂之興也樂因音而行而鐘

音之器也音由器以發天子省風以作樂省風俗作樂以移之器以

鐘之鐘聚也與人以行之樂須音而行小者不窅窅細不滿

窅他大者不橐橐橫大不入剛和於物物和則嘉

成嘉樂成也故和聲入於耳而藏於心心億則樂也億安窅

則不咸不充滿人心如橐則不容心不堪容心是以

感感實生疾今鐘橐矣王心弗堪其能久乎為明年天王崩

傳○三月葬蔡平公蔡太子朱失位位在卑不在適子位以齒大夫送葬者歸見昭子昭子問蔡故以告昭子

歎曰蔡其亡乎若不亡是君也必不終詩曰不解于

位民之攸暨詩大雅暨息也○解今蔡侯始即位而

適卑身將從之為蔡侯朱○夏晉士鞅來聘叔孫為

政叔孫昭子以三命為國政季孫欲惡諸晉憎叔孫在已上位欲使得罪於晉○惡烏

路反使有司以齊鮑國歸費之禮為士鞅鮑國歸費在十四年牢禮

各如其命數魯人失禮故為鮑士鞅怒曰鮑國之位

下其國小而使鞅從其牢禮是卑敝邑也將復諸寡

君魯人恐加四牢焉為十一牢言魯不能以禮事大國且為哀七年吳徵

百牢起本○宋華費遂生華貍華多僚華登貍為少司馬

春秋左傳卷之二十四

四百五十七

多僚為御士公御士與貍相惡乃譖諸公曰貍將

納亡人亡人華亥等惡如字又鳥路反亟言之公曰司馬以吾故

亡其良子司馬謂費遂為大司馬良子謂華登死亡有命吾不

可以再亡之對曰君若愛司馬則如亡君若愛大司馬則當亡走

失死如可逃何遠之有言亡可以逃死勿慮其遠以恐動公公懼使侍

人召司馬之侍人宜僚飲之酒而使告司馬告司馬使逐貍

又飲於不死抑君有命可若何乃與公謀逐華貍將使田

孟諸而遣之公飲之酒厚酬之幣賜及從者司馬

亦如之亦如公賜後才用反張匄尤之張匄華貍臣尤怪賜之厚曰必有

故使子皮承宜僚以劔而訊之子皮華貍訊問也宜僚盡以

告告欲因田以遣之張匄欲殺多僚子皮曰司馬老矣登之

謂甚言登亡傷司馬心已甚吾又重之不如亡也五月丙申子

皮將見司馬而行則遇多僚御司馬而朝張匄不勝

其怒遂與子皮曰任鄭翩殺多僚任翩亦貍家臣

勝音升劫司馬以叛而召亡人壬寅華向入樂大心

豐愆華恠禦諸橫梁國睢陽縣南有橫亭華氏居盧門以南里

叛盧門宋東城六月庚午宋城舊鄘及桑林之門而守

城

之舊鄆故城也桑林城門名○秋七月壬午朔日有食之公問於

梓慎曰是何物也禍福何為也物事也對曰二至二分至

冬至夏至二分春分秋分日有食之不為災日月之行也分同道

也至相過也二分日夜等故言同道二至長短極故相過其他月則為災

陽不克也故常為水陰侵陽是於是不勝陰於是叔輒哭日食意在

於憂昭子曰子叔將死非所哭也八月叔輒卒○附

錄冬十月華登以吳師救華氏登前年奔吳齊烏枝鳴戍

宋烏枝鳴齊大夫廚人濮曰濮宋廚邑大夫軍志有之先人有奪人

之心後人有待其衰盍及其勞且未定也伐諸若入

而固則華氏衆矣悔無及也從之丙寅齊師宋師敗

吳師于鴻口梁國睢陽縣東有鴻口亭獲其二帥公

子苦雒偃州員二帥吳大夫○雒古華登帥其餘吳餘

師以敗宋師公欲出出奔廚人濮曰吾小人可藉死可借

使死而不能送亡君請待之請君待復戰決勝負○

乃徇曰揚徽者公徒也徽識也○識申衆從之公自

揚門見之見國人皆揚徽下而巡之曰國亡君死

二三子之耻也豈專孤之罪也齊烏枝鳴曰用少莫

如齊致死齊致死莫如去備備長兵也○彼多兵矣

春秋左傳集解 昭公卷三十四 三 貴四百四十四

請皆用劍從之華氏北復即之北敗廚人濮以裳裏

首而荷以走曰得華登矣遂敗華氏于新里新里華氏所取

邑荷何可翟僂新居于新里既戰說甲于公而歸

居華氏地而助公戰僂力主反說他活反華姓居于公里亦如之姓華

故助華氏亦如僂新說甲歸傳言古之為軍不皆小忿姓他口反些才斯反又音紫十一月

癸未公子城以晉師至城以前年奔曹翰胡曹大夫

寒又戶會晉荀吳中行穆子齊苑何忌齊大衛公

子朝前年出奔救宋丙戌與華氏戰于頰丘頰丘宋

者頰音鄭翩願為鶴其御願為鶩鄭翩華氏黨鶴鶩皆

反五多子祿御公子城莊董為右子祿向宜子擘御呂

封人華豹張匄為右呂封人華豹華氏相遇城還華

豹曰城也城怒而反之怒其呼已將注豹則關矣注

矢關引弓注之樹曰平公之靈尚輔相余平公公

父豹射出其間射食亦反又食夜反將注則又關矣

曰不狎鄙狎更也抽矢豹矢城射之殪豹張匄抽

矢而下長丈二在車邊射之折股扶仗而擊

之折軫折城車軾又射之

死死干擘請一矢死城曰余言女於君欲活之對

曰不死伍乘軍之大刑也同乘共伍當皆死○乘繩登反干刑而從

子君焉用之子速諸乃射之殪殪又死大敗華氏圍諸

南里華亥搏膺而呼見華驅曰吾為欒氏矣晉欒盈還入作

亂而死事在襄二十三年○搏音博呼好故反驅曰子無我廷不幸而後亡

廷恐也○廷求在反使華登如楚乞師華驅以車十五乘徒七

十人犯師而出犯公師出送華登食於睢上哭而送之乃復

入入南里○睢音雖楚遠越帥師將逆華氏太宰犯諫曰諸

侯唯宋事其君今又爭國釋君而臣是助無乃不可

乎王曰而告我也後既許之矣為明年華向出奔楚傳○遠于委反○

蔡侯朱出奔楚費無極取貨於東國東國隱大子之子平侯廬之弟

朱叔父也而謂蔡人曰朱不用命於楚君王將立東國若

不先從王欲楚必圍蔡蔡人懼出朱而立東國朱愬

于楚楚子將討蔡無極曰平侯與楚有盟故封盟于鄧依

陳蔡人以國其子有二心故廢之子謂朱也靈王殺隱大子其

子與君同惡德君必甚又使立之不亦可乎且廢置

在君蔡無他矣言權在楚則蔡無他心○公如晉及河鼓叛晉

叛晉屬晉將伐鮮虞故辭公將有軍事無暇於待賓且懼泄軍謀

經辛巳景王二十五年二十有二年○春齊侯伐莒○宋華

亥向寧華定自宋南里出奔楚言自南里別從國去○別彼列反○

大蒐于昌間無傳○間如字○夏四月乙丑天王崩○六月

叔鞅如京師葬景王叔鞅叔弓子三月而葬亂故速○鞅於丈反○王室

亂承叔鞅言而書之未○劉子單子以王猛居于皇

河南鞏縣西南有黃亭辟子朝難出○秋劉子單子

以王猛入于王城王城邾鄆今河南縣○冬十月王

子猛卒未即位故○十有二月癸酉朔日有食之無

傳二十二年春王二月甲子齊北郭啓帥師伐莒齊啓

大夫北郭佐之後莒子將戰苑羊牧之諫牧之莒大夫曰齊

帥賤其求不多不如下之大國不可怒也弗聽敗齊

師于壽餘莒地○下齊侯伐莒怒莒子行成司馬竈

如莒泣盟竈齊大夫莒子如齊泣盟盟于稷門之外稷門齊城

也門莒於是乎大惡其君為明年莒子來奔○楚遠越

使告于宋曰寡君聞君有不令之臣為君憂無寧以

為宗羞無寧寧也言華氏寡君請受而戮之對曰孤

不佞不能媚於父兄華向公族也以為君憂拜命之

辱抑君臣日戰君曰余必臣是助亦唯命人有言曰

唯亂門之無過君若惠保敝邑無亢不衷以獎亂人

孤之望也唯君圖之楚人患之患宋以義距之○過古禾反○若浪反○衷

忠音諸侯之成謀曰若華氏知困而致死楚耻無功而

疾戰非吾利也不如出之以為楚功其亦無能為也

已言華氏不能復為宋患救宋而除其害又何求乃固請出之

宋人從之已已宋華亥向寧華定華貙華登皇奄傷

省臧士平出奔楚華貙以下五子不書非卿○省悉井反又所景反宋公使

公孫忌為大司馬代華費遂邊卬為大司徒代華定○卬

五郎樂祁為司城祁子穿孫樂祁犁仲幾為左師代仲向寧○

幾音其樂大心為右師代華樂輓為大司寇輓子罕孫○輓音晚

以靖國人終梓慎之言○王子朝賓起有寵於景王

子朝景王之長庶子賓起子朝之傳○朝如字王與賓孟說之欲立之孟即起也

王與賓孟欲立子朝為大子○說如字又音悅劉獻公之庶子伯蚩事單穆

公獻公劉摯伯蚩劉狄穆公單旗○蚩扶粉反一扶云反惡賓孟之為人也願

殺之又惡王子朝之言以為亂願去之子朝有欲立之言故劉蚩

惡之○惡去聲去賓孟適郊見雄雞自斷其尾問之侍者

曰自憚其犧也畏其為犧牲奉宗廟故遽歸告王且

曰雞其憚為人用乎人異於是雞犧雖見寵飾然卒當見殺若人見寵飾

則當貴盛故 犧者實用人人犧實難已 犧何害言設使寵

人如寵犧則不宜假人以招禍難使犧在 王弗應言設

已則無患害已喻子朝欲使王早寵異之 王弗應言設

年大子壽卒王立子猛後復欲立子朝而未定實 夏

孟感雞盛稱子朝王心許之故不應 難去聲

四月王田北山使公卿皆從將殺單子劉子北山洛

王知單劉不欲立子朝欲 王有心疾乙丑崩于榮錡

因田獵先殺之 從去聲 王有心疾乙丑崩于榮錡

氏四月十九日河南鞏縣西 戊辰劉子摯卒二十日無

子單子立劉蚩蚩事單 五月庚辰見王見王猛 遂

攻賓起殺之黨子 盟群王子于單氏王子猛次正故

王子或黨子 附錄晉之取鼓也在十年 既獻而反鼓子

朝故盟之 馬獻於廟 又叛於鮮虞鮮虞屬 六月荀吳略東陽略行

陽晉之山東邑魏郡廣 使師偽糴者負甲以息於昔

平以北 行下孟反 陽之門外昔陽故肥子所 遂襲鼓滅之以鼓子鳶鞮

歸使涉佗守之守鼓之地涉佗晉大夫 丁巳

葬景王王子朝因舊官百工之喪職秩者與靈景之

族以作亂百工百官也靈王景王 帥郊要餞之甲三

周地 要一遙 以逐劉子逐伯 壬戌劉子奔揚揚周

反 餞賤淺反 單子逆悼王于莊宮以歸悼王子 王子還夜取王以

如莊宮王子還子朝黨也 不欲 癸亥單子出失王故

使單子得王猛故取之 出奔

王子還與召莊公謀莊公召伯魚子朝曰不殺單旗

不捷旗單子也與之重盟必來背盟而克者多矣從之從

謀也○樊頃子曰非言也必不克頃子樊齊單劉遂

奉王以追單子王子還及領大盟而復領周地欲重

子復歸殺摯荒以說委罪於荒劉子如劉歸其邑單

子亡乙丑奔于平時平時周地知王子還欲背盟群

王子追之單子殺還姑發弱駸延定稠八子靈景之

之子朝奔京其黨死故丙寅伐之單上京人奔山劉子入

于王城子朝奔京辛未鞏簡公敗績于京乙亥甘平

公亦敗焉甘鞏二公周卿士叔鞅至自京師葬景言

王室之亂也經所閔馬父曰子朝必不克其所與者

天所廢也閔馬父閔子馬魯大夫單子欲告急于晉

秋七月戊寅以王如平時遂如圃車次于皇出次以

寅十月三日經書六月誤也劉子如劉單子使王子處守于王城

守王城距子朝盟百工于平宮辛卯鄆肸伐

皇鄆叛子朝黨○鄆大敗獲鄆肸壬辰焚諸王城之

市焚鄆八月辛酉司徒醜以王師敗績于前城醜悼

朝徒前城子百工叛司徒醜已巳伐單氏之宮敗焉百

伐單氏為庚午反伐之單氏反辛未伐東圍百工所

東南有冬十月丁巳晉籍談荀躒師九州之戎九州

渾戎十七年滅屬晉州鄉屬及焦瑕温原之師焦瑕

也五州為鄉○躒力狄反温原

邑晉四以納王于王城丁巳在十月庚申單子劉蚩以

王師敗績于郊為子朝之前城人敗陸渾于社前城

眾社十一月乙酉王子猛卒乙酉在十一月經書十

周地曰悼不成喪也釋所以不已丑敬王即位敬王王子

子館于子旅氏子旅周十二月庚戌晉籍談荀躒賈

辛司馬督司馬帥師軍于陰藉談于侯氏荀躒于谿

泉賈辛所軍鞏縣次于社司馬督王師軍于汜于解

次于任人王師分在三邑洛陽西南有大解閏月晉

箕遺樂徵右行詭濟師取前城三子晉大夫濟師渡

九委京楚子軍其東南王師軍于京楚辛丑伐京毀其西南

朝所在

春秋左氏經傳集解卷二十四

三十一 裴奎二百二十五

春秋左氏經傳集解卷二十四

三十一 裴奎二百二十五

春秋左氏經傳集解卷三十五

昭公

經壬午敬王元年二十有三年○春王正月叔孫婁如晉

謝取邾師○癸丑叔鞅卒無傳○晉人執我行人叔

孫婁稱行人譏○晉人圍郊討子朝也郊周邑圍郊

赴○夏六月蔡侯東國卒于楚無傳未同盟○秋七

月莒子庚輿來奔○戊辰吳敗頓胡沈蔡陳許之師

于雞父不書楚楚不戰也雞父楚胡子髡沈子逞滅

國雖存君死曰滅○獲陳夏齧大夫死生通曰獲夏

鬮昔門反逞勃郢反鬮鬮微舒玄孫○鬮五

結 ○天王居于狄泉 敬王辟于朝也狄泉今洛陽城內大倉西南池水也時在城外

○尹氏立王子朝 尹氏周世卿也書尹氏立朝明非周人所欲立

八月乙未地震 ○冬公如晉至河有疾乃復

傳二十三年春王正月壬寅朔二師圍郊 二師王師也王

師不書 不以告 癸卯郊郭潰 河南鞏縣西南有地名郭中郊郭二邑皆子朝所得 ○郭音尋

丁未晉師在平陰王師在澤邑 平陰今河陰縣 王使告閒 子

敗故 ○庚戌還 晉師 ○邾人城翼 翼邾 還將自離姑 邾

離姑邾邑從離姑則道 徑魯之武城 ○徑音經 公孫鉏曰魯將御我 夫鉏邾大

反魚 欲自武城還循山而南 至武城而還依山南行不欲過武城 ○適古禾

反 徐鉏兵弱茅地 三子邾大夫 曰道下遇雨將不出是不

歸也 謂此山道下濕 遂自離姑 武城 武城人塞其前 以兵塞其前道

斷其後之木而弗殊邾師過之乃推而蹙之遂取邾

師獲鉏弱地 取邾師不書非公命 ○斷丁管反 邾人愬

于晉晉人來討叔孫婍如晉晉人執之書曰晉人執

我行人叔孫婍言使人也 嫌內外異故重發 晉人使

與邾大夫坐 坐訟 叔孫曰列國之卿當小國之君固

周制也 在禮卿得會伯子男 邾又夷也 邾雜有東夷之風 寡

君之命介子服回在 子服回魯大夫 請使當之不敢

廢周制故也乃不果坐韓宣子使邾人聚其衆將以

叔孫與之與邾使叔孫聞之去衆與兵而朝示欲以身死

去起士彌牟謂韓宣子彌牟士曰子弗良圖而以叔

孫與其讎叔孫必死之魯亡叔孫必亡邾邾君亡國

將焉歸時邾君在晉若亡國無所歸將益晉憂子雖悔之何及所謂盟

主討違命也若皆相執焉用盟主聽邾衆取叔孫是為諸侯皆得輒相

執乃弗與使各居一館分別叔孫士伯聽其辭而愬

諸宣子乃皆執之二子辭不屈故士伯御叔孫從者

四人過邾館以如吏欲使邾人見叔孫之屈辱先歸邾子士伯曰

以芻蕘之難從者之病將館子於都謂箕也叔孫旦

而立期焉立待命也從旦至旦乃館諸箕舍子服昭

伯於他邑別囚范獻子求貨於叔孫使請冠焉以求

取其冠法而與之兩冠曰盡矣既送作冠模法又進二冠以與之偽

若不解為叔孫故申豐以貨如晉欲行貨以叔孫曰

見我吾告女所行貨見而不出留申豐不使得出不

吏人之與叔孫居於箕者請其吠狗弗與及將歸殺

而與之食之示不叔孫所館者雖一日必葺其牆屋

葺補去之如始至不以當去而○夏四月乙酉單子

治也有所毀壞

四百六十

取訾劉子取牆人直人二邑屬于朝者訾在河南六

月壬午王子朝入于尹自京入尹氏之邑癸未尹圉誘劉佗

殺之尹圉尹文公也劉佗劉蚩族敬王黨丙戌單子從阪道劉子從尹

道伐尹單子先至而敗劉子還單子敗故己丑召伯奭南

宮極以成周人戊尹二子周卿士子朝黨奭召莊公庚寅單子劉子

樊齊以王如劉辟子朝出居劉子邑甲午王子朝入于王城次

于左巷近東城秋七月戊申鄆羅納諸莊宮鄆羅周大夫鄆胖之

尹辛敗劉師于唐尹辛尹氏族唐周地丙辰又敗諸鄆甲子

尹辛取西闞西闞周地丙寅攻蒯蒯潰河南縣西南蒯鄉是也於是敬王居

狄泉尹氏立子朝○蒯若惟反○莒子庚輿虐而好劍苟鑄劍必試

諸人國人患之又將叛齊烏存帥國人以逐之烏存莒大夫

夫庚輿將出闞烏存執戈而立于道左懼將止死及長

六二而無刃苑羊牧之曰君過之牧之亦烏存烏存以力

聞可矣何必以弑君成名遂來奔齊人納郊公郊公著丘

公之子十四年奔齊○吳人伐州來楚遠越帥師

令尹以疾從戎及諸侯之師奔命救州來吳人禦諸

鍾離子瑕卒楚師燔子瑕即令尹不起所疾也吳楚

亡故其軍人無復吳公子光曰諸侯從於楚者衆而

皆小國也畏楚而不獲已是以來吾聞之曰作事威

克其愛雖小必濟克勝也軍胡沈之君幼而狂狂無常

陳大夫鬻壯而頑頓與許蔡疾楚政楚令尹死其師

燔帥賤多寵政令不壹帥賤遠越非正卿也軍多寵人政令不壹於越○帥所類

反下七國同役而不同心七國楚頓胡沈蔡陳許帥賤而不能

整無大威命楚可敗也若分師先以犯胡沈與陳必

先奔三國敗諸侯之師乃搖心矣諸侯乖亂楚必大

奔請先者去備薄威示之以不整以誘之○去上聲後者敦陳整旅

敦厚止○陳去聲吳子從之戊辰晦戰于雞父七月二十九日遣兵忌悔

戰擊楚所不意吳子以罪人三千先犯胡沈與陳囚徒不習戰以示不

整三國爭之吳為三軍以繫於後中軍從王從吳王光

帥右掩餘帥左掩餘吳王壽夢子吳之罪人或奔或止三國

亂吳師擊之三國敗獲胡沈之君及陳大夫舍胡沈

之囚使奔許與蔡頓曰吾君死矣師譟而從之三國

奔三國許蔡頓○謝素報反楚師大奔書曰胡子髡沈子逞滅獲

陳夏鬻君臣之辭也國君社稷之主與宗廟共其存亡者故稱滅大夫輕故曰獲獲

也得不言戰楚未陳也嫌與陳例相涉故重發之○八月丁酉南宮

極震經書之未地動魯地也丁酉南宮襄弘謂劉文

極震極震周地亦震也為屋所壓而死

公曰君其勉之先君之力可濟也文公劉蚩也先君謂蚩之父獻公也

獻公亦欲立子猛未及而卒周之亡也其三川震謂幽王時也三川涇渭洛水也

地動川岸崩今西王之大臣亦震天棄之矣子朝在王城故謂西王

東王必大克敬王居狄泉在王城之東故曰東王附錄楚太子建之母

在郢郢陽也平王娶秦女廢太子建故母歸其家○郢古閩反召吳人而啓之

冬十月甲申吳太子諸樊入郢諸樊吳王僚之太子取楚夫人

與其寶器以歸楚司馬遠越追之不及將死衆曰請

遂伐吳以徼之徼要其勝負遠越曰再敗君師死且有罪此年秋敗於雞父設往復敗為再敗亡君夫人不可以莫之死也

乃縊於遠溘遠溘楚地○縊音醫公為叔孫故如晉及河有

疾而復此年春晉為邾人執叔孫故公如晉謝之○為去聲附錄楚囊瓦為令

尹囊瓦子囊之孫子常也代陽句城郢楚用子囊遺言已築郢城矣今畏吳復增脩以自固○郢

以井反沈尹戌曰子常必亡郢苟不能衛城無益也古

者天子守在四夷德及遠○守天子卑守在諸侯政

損諸侯守在四鄰鄰國為守諸侯卑守在四竟裁自完慎其

四竟結其四援結四鄰之國為援助民狎其野狎安習也三務成功

春夏秋三時之務民無內憂而又無外懼國焉用城今吳是

懼而城於郢守已小矣卑之不獲能無亡乎不獲守四竟

春秋左傳集解卷三十五 六 毛 四 下 三

昔梁伯溝其公宮而民潰

在僖十八年

民棄其上不亡何

待夫正其疆場脩其土田險其走集

走集邊竟之壘壁

親其

民人明其伍候

使民有部伍相為候望

信其鄰國慎其官守守

其交禮

交接之禮

不僭不貪不懦不耆

懦弱也耆強也○

反一直

完其守備以待不虞又何畏矣詩曰無念爾

祖聿脩厥德

詩大雅無念也聿述也義取念祖考則述治其德以顯之

無亦監

乎若敖蚡冒至于武文

四君皆楚先君之賢者

土不過同

方百里為

一同言未滿一圻

慎其四竟猶不城郢今土數圻

方千里為圻而

郢是城不亦難乎

言守若是難以為安也為定四年吳入楚傳

經癸未

敬王二年

二十四年春○王二月丙戌仲孫矍卒

無傳孟僖子也

○媯至自晉

喜得赦歸故書至

○夏五月乙

未朔日有食之

○秋八月大雩○丁酉杞伯郁釐卒

無傳未同盟而赴以名丁酉九月五日有日無月○釐力之反又音來

○冬吳滅巢

也書滅用大師

○葬杞平公

無傳

傳二十四年春王正月附錄辛丑召簡公南宮嚳以

甘桓公見王子朝

簡公召莊公之子召伯盈也嚳南宮極之子桓公甘平公之子

劉

子謂襄弘曰甘氏又往矣對曰何害同德度義

度謀也言

唯同心同德則能謀義子朝不能於我無害○度待洛反

大誓曰紂有億兆夷人

亦有離德

言紂衆億兆兼有四夷不能同德終敗亡

余有亂臣十人同心

同德

武王言我有治臣十人雖少同心也今大誓無此語

此周所以興也君其

務德無患無人戊午王子朝入于鄆

緱氏西南有鄆聚言子朝稍強

鄆鳥

○晉士彌牟逆叔孫于箕

將禮而歸之

叔孫使梁

其蹙待于門內

蹙叔孫家臣

曰余左顧而欬乃殺之

疑士伯來殺已故謀殺之

右顧而笑乃止叔孫見士伯士

伯曰寡君以為盟主之故是以父子

以謝邾不腆敝

邑之禮將致諸從者使彌牟逆吾子叔孫受禮而歸

二月媯至自晉尊晉也

媯媯族所以尊晉媯行人故不言罪已

附錄三

月庚戌晉侯使士景伯涖問周故

涖臨也就問子朝王知誰曲直

士伯立于乾祭而問於介衆

乾祭王城北門介大也

晉人乃辭王子朝不納其使

衆言子朝曲故

○夏五月乙未

朔日有食之梓慎曰將水

陰勝陽故曰將水

昭子曰旱也日

過分而陽猶不克克必甚能無旱乎

過春分陽氣盛時而不勝陰陽

將猥出故為旱陽不克莫將積聚也

陽氣莫然不動乃將積聚

附錄六月壬申王子朝之師攻瑕及杏皆潰

瑕杏敬王邑

附錄鄭伯如晉子大叔相見范獻子獻子曰若王室

何對曰老夫其國家不能恤敢及王室抑人亦有言

曰發不恤其緯

發寡婦也織者常苦緯少寡婦所宜憂

而憂宗周之隕

為將及焉

及恐禍已

今王室實蠢蠢焉

蠢蠢動擾貌

吾小

國懼矣然大國之憂也吾儕何知焉吾子其早圖之

詩曰鉚之罄矣惟罍之耻

詩小雅罍大器鉚小器常稟於罍者稟所受罄盡則

罍為無餘故耻之

王室之不寧晉之耻也獻子懼而與宣子

圖之

宣子韓起

乃徵會於諸侯期以明年

為明年會

秋

八月大雩旱也

終如叔孫之言

附錄冬十月癸酉王子朝用

成周之寶珪于河

求福

甲戌津人得諸河上

珪自陰

不佞以溫人南侵

不佞敬王大夫晉以溫人助敬王南侵了朝

拘得王者

取其玉將賣之則為石王定而獻之

不佞獻王與之東訾

喜得王故與之邑華縣西南訾城是也

楚子為舟師以畧吳疆

畧行也行吳界將侵之

沈尹戌曰此行也楚必亡邑不撫民而

勞之吳不動而速之

速召

吳踵楚

踵楚躡跡

而疆場無備

邑能無亡乎越大夫胥犴勞王於豫章之汭

汭水曲

岸勞力

越公子倉歸王乘舟

歸遺也

倉

及壽夢帥師從王

壽夢越大夫

王及圍陽而還

圍陽楚地

吳人踵楚而邊人不備遂滅巢及鍾離而還

鍾離不書告敗

畧沈郢戌曰亡郢之始於此在矣王壹動而亡二姓

畧

之帥二姓之帥守巢鍾離大夫幾如是而不及郢詩曰誰生厲階

至今為梗詩大雅厲惡階道梗病也○幾居豈反又音機其王之謂乎為定四年

吳入郢傳

經甲申敬王三年二十有五年春叔孫婼如宋○夏叔詣

會晉趙鞅宋樂大心衛北宮喜鄭游吉曹人邾人滕

人薛人小邾人于黃父○有鸚鵡來巢此鳥穴居不在魯界故曰

來巢非常故書○鸚其俱反○音欲○秋七月上辛大雩季辛又雩季

夏旬之辛也言又重上事九月己亥公孫于齊次于陽州諱奔故曰孫若

自孫讓而去此者陽州齊魯竟上邑未敢直前故次于竟○孫音遜○齊侯唁公于野

井齊南祝阿縣東有野井亭齊侯來唁公公○冬十

月戊辰叔孫婼卒公不與小歛而書日者公○十有

一月己亥宋公佐卒于曲棘陳留外黃縣城中有曲棘里宋地未同盟而赴

以名○十有二月齊侯取鄆取鄆以居公

傳二十五年春叔孫婼聘于宋桐門右師見之右師樂大

心居桐門語單宋大夫而賤司城氏司城樂氏之大宗也

昭子告其人曰右師其亡乎君子貴其身而後能及

人是以有禮唯禮可以貴身今夫子卑其大夫而賤

其宗是賤其身也賤人人亦賤已能有禮乎無禮必亡為定十年

樂大心 ○宋公享昭子賦新宮逸詩昭子賦車轄詩小

出奔傳 人思得賢女以配君子昭子昭子明日宴飲酒樂宋公使

昭子右坐坐宋公右以相近言語相泣也樂祁佐助

禮退而告人曰今茲君與叔孫其皆死乎吾聞之哀

樂可樂而哀而樂哀可哀而樂皆喪心也心之精爽是謂魂魄

魂魄去之何以能久為此冬叔孫宋公卒傳○喪去聲○季公若之

姊為小邾夫人平子庶姑與公若同母故曰公若姊生宋元夫人宋元夫人

生子以妻季平子昭子如宋聘且逆之平子人臣

而因鄉逆季氏強橫公若從從昭子○從字謂曹氏勿與魯將逐

之曹氏宋元夫人曹氏告公公告樂祁樂祁曰與之如是魯

君必出政在季氏三世矣文子武子平子魯君喪政四公矣

宣成襄昭無民而能逞其志者未之有也國君是以鎮撫

其民詩曰人之云亡心之憂矣詩大雅言無人則憂患至魯君失

民矣焉得逞其志靖以待命猶可動必憂為下公○

夏會于黃父謀王室也王室有子朝亂謀定之趙簡子令諸侯

之大夫簡子趙鞅輸王粟具戍人曰明年將納王納王於王城

子大叔見趙簡子簡子問揖讓周旋之禮焉對曰是

儀也非禮也簡子曰敢問何謂禮對曰吉也聞諸先

春秋左傳集解卷之五

大天子產曰夫禮天之經也經者道地之義也義者利之

宜民之行也行者人所履天地之經而民實則之則

天之明日月星辰因地之性高下剛柔生其六氣謂

陽風雨晦明用其五行金木水火土氣為五味酸鹹辛發為五

色青黃赤白章為五聲宮商角淫則昏亂民失其性

滋味聲色過則傷性是故為禮以奉之制禮以奉其性為六畜馬牛羊

畜許又五牲麋鹿麇三犧祭天地宗廟以奉五味

為九文謂山龍華蟲藻火粉米黼黻也華若草華藻

相戾傳曰火龍六采畫績之事雜用天地四方之色

謂之六色○五章以奉五色青與赤謂之文赤與白

謂之章白與黑謂之黼為九歌八風七音六

律以奉五聲解見二為君臣上下以則地義君臣有

地有為夫婦外內以經二物夫治外婦治為父子兄

弟姑姊甥舅昏媾姻亞以象天明六親和睦以事嚴

極也妻父曰昏重昏曰媾為政事庸力行務以從四

時在君為政在臣為事民功曰庸治功為刑罰威獄

使民畏忌以類其震懼殺戮雷震電曜天之威也聖

為溫慈惠和以效天之生殖長育民有好惡喜怒哀

水火土金木水火土 四百七十五

樂生于六氣

此六者皆稟陰陽風雨晦明之氣○長上聲好惡並去聲

是故審則

宜類以制六志

為禮以制好惡喜怒哀樂六志使不過節

哀有哭泣樂有

歌舞喜有施舍怒有戰鬪喜生於好怒生於惡是故

審行信令禍福賞罰以制死生好物也死惡物也

好物樂也惡物哀也哀樂不失乃能協于天地之性

是以長久

也協和

簡子曰甚哉禮之大也對曰禮上下

之紀天地之經緯也

經緯錯居以相成者

民之所以生也是以

先王尚之故人之能自曲直以赴禮者謂之成人大

不亦宜乎

曲直以弼其性

簡子曰鞅也請終身守此言也

能鞅

守此言故終免於晉陽之難

宋樂大心曰我不輸粟我於周為客

二王後為賓客

若之何使客晉士伯曰自踐土以來

踐土在僖二十

八年宋何役之不會而何盟之不同曰同恤王室子焉

得辟之子奉君命以會大事而宋背盟無乃不可乎

右師不敢對受牒而退

右師樂大心

士伯告簡子曰宋右

師必亡奉君命以使之欲背盟以于盟主無不祥大

馬

言不善無大此者為定十年宋樂大心出奔傳○使所吏反

○有鸛鶴來巢書

所無也師已曰異哉吾聞文成之世童謠有之

師已樂大

夫○已音紀一音祀

曰鸛之鶴之公出辱之

言鸛鶴來則公出辱也

鸛鶴

春秋左傳卷之二十一

四十七

之羽公在野外往饋之馬饋遺也 鸚鵒踈踈公在乾侯

踈踈跳行貌○踈張于反又張留反○跳直彫反 徵蹇與襦蹇蹇蹇蹇 鸚鵒之巢遠哉

遙遙稠父喪勞宋父以驕稠父昭公死外故喪勞宋父定公代立故以驕○稠

直留反○(喪)息浪反 鸚鵒鸚鵒往歌來哭昭公主出 童謡有是

今鸚鵒來巢其將及乎將及禍也 ○秋書再雩旱甚也○

初季公鳥娶妻於齊鮑文子生申公鳥季公亥之兄平子庶叔父 公

鳥死季公亥與公思展與公鳥之臣申夜姑相其室

公亥即公若也展季氏族相治也○(夜本作射又音亦相去聲) 及季妣與饗人檀通

季妣公鳥妻鮑文子女饗人食官 而懼乃使其妾扶已以示秦湍之

妻秦湍魯大夫妻公鳥妹秦姬也○(扶)勅乙反○(湍)音船 曰公若欲使余余不可

而扶余又訴於公甫公甫平子弟 曰展與夜姑將要余要劫

我以非禮○(要)平聲 秦姬以告公之公之亦平子孫 公之與公甫告平

子平子拘展於卞而執夜姑將殺之公若泣而哀之

曰殺是是殺余也將為之請平子使豎勿內日中不

得請有司逆命執夜姑之有司欲迎受殺生之命○(為)去聲 公之使速殺

之故公若怨平子季郈之雞鬪季平子郈昭伯二家相近故雞鬪○(郈)音

后 季氏介其雞擣芥子播其羽也或曰以膠沙播之為介雞 郈氏為之金

距平子怒怒其不下已 益宮於郈氏侵郈氏室以自益 且讓之讓責

也故邠昭伯亦怨平子臧昭伯之從弟會昭伯臧為子○(從)去

聲後從者皆同為讒於臧氏而逃於季氏臧氏執旃平子怒

拘臧氏老將禘於襄公萬者二人其眾萬於季氏禘祭

也萬舞也於禮公當三十六人臧孫曰此之謂不能庸先君之廟不能

用禮也蓋先公別立廟大夫遂怨平子公若戲弓於公為昭公為

子務且與之出射於外而謀去季氏公為告公果公

賁果賁皆公為弟○(去)上聲賁音奔又音焚公果公賁使侍人僚相告公

公寢將以戈擊之乃走公曰執之亦無命也獨言執之無勅

命○(租)則加反懼而不出數月不見公不怒又使言公執戈

以懼之乃走又使言公曰非小人之所及也謂僚相為小人

公果自言公以告臧孫臧孫以難言難言告邠孫邠孫

以可勸告子家懿伯子家羈莊公之玄孫勸勸公逐季氏懿伯曰讒

人以君徼幸事若不克君受其名受惡名不可為也舍

民數世以求克事不可必也且政在焉其難圖也公

退之退使去○(舍)音捨辭曰臣與聞命矣言若洩臣不獲死

乃館於公恐受洩命之罪故留公叔孫昭子如闕闕魯

邑公居於長府官府名九月戊戌伐季氏殺公之于門

遂入之平子登臺而請曰君不察臣之罪使有司討

春秋三傳集解卷之八十五

臣以干戈臣請待於沂上以察罪弗許魯城南自有沂水平子欲

出城待罪也夫沂水出蓋縣南至下邳入泗請囚于費弗許請以五乘亡

弗許子家子曰君其許之政自之出久矣隱民多取

食馬隱約窮困為之徒者眾矣日入慝作弗可知也慝姦惡也

日冥姦人將起叛君助季氏不可知眾怒不可蓄也季氏眾蓄而弗治將

蘊蘊積也蓄民將生心生心同求將合與季氏同求叛君者君

必悔之弗聽郈孫曰必殺之公使郈孫逆孟懿子懿子

仲孫何忌叔孫氏之司馬驪戾言於其眾曰若之何莫對

眾疑所助又曰我家臣也不敢知國凡有季氏與無於我

孰利皆曰無季氏是無叔孫氏也驪戾曰然則救諸

帥徒以往陷西北隅以入陷公圍也公徒釋甲執冰而踞言無

戰心也冰積九蓋或云積九是箭筒其蓋可以取飲也遂逐之逐公孟氏使登

西北隅以望季氏見叔孫氏之旌以告孟氏執郈昭

伯殺之于南門之西遂伐公徒子家子曰諸臣偽劫

君者而負罪以出君止使若非君本意者君自可止不出意如之事

君也不敢不改意如季平子名公曰余不忍也與臧孫如墓

謀辭先君且謀所奔遂行己亥公孫于齊次于陽州齊侯將

唁公于平陰公先至于野井齊侯曰寡人之罪也使

有司待于平陰為近故也

齊侯自谷本不勅有司遠誚陽州而欲近會于平陰

故令魯侯過其先至野井遠見迎逆自谷以謝公

書曰公孫于齊次于陽州

齊侯唁公于野井禮也將求於人則先下之禮之善

物也

物事也謂先往至野井

齊侯曰自莒疆以西請致千社

五家為社千社二萬五千家欲以給公

以待君命

待君伐季氏之命

寡人將帥

敝賦以從執事唯命是聽君之憂寡人之憂也公喜

子家子曰天祿不再天若胙君不過周公以魯足矣

失魯而以千社為臣誰與之立

為齊臣

且齊君無信不

如早之晉弗從臧昭伯率從者將盟載書曰戮力壹

心好惡同之信罪之有無

信明也處者有罪從者無罪

繼繼從公

無通外內

繼繼不離散○(繼音遣)(繼音犬)

以公命示于家子子家子

曰如此吾不可以盟羈也不佞不能與二三子同心

而以為皆有罪

從者陷君留者逐君皆有罪也

或欲通外內且欲去

君

去君偽負罪出奔不必繼繼從公

二三子好亡而惡定焉可同也

陷君於難罪孰大焉通外內而去君君將速入弗通

何為而何守焉乃不與盟

何必守公○(奸惡)難並去聲(與音預)

昭子自

闕歸見平子平子稽顙曰子若我何昭子曰人誰不

死子以逐君成名子孫不忘不亦傷乎將若子何平

春秋左傳集解卷之五十五 昭公二十五年 希 四百三十一

子曰苟使意如得改事君所謂生死而肉骨也昭子

從公于齊與公言子家子命適公館者執之恐從者知叔孫

謀公與昭子言於幄內曰將安眾而納公昭子請歸安眾公

徒將殺昭子伏諸道伏兵左師展告公公使昭子自鑄

歸辟伏兵平子有異志不欲復納公冬十月辛酉昭子齊於

其寢使祝宗祈死戊辰卒耻為平子所欺因祈而自殺○齊側皆反左師

展將以公乘馬而歸公徒執之展魯大夫欲與公附俱輕歸○輕去聲

錄壬申尹文公涉于鞏焚東些文公子朝黨於鞏縣涉洛水也弗克

○十一月宋元公將為公故如晉東些音敬王邑○聖音資請納

夢天子樂即位于廟已與平公服而相之平公元公父○相去

聲熊相同且召六卿公曰寡人不佞不能事父兄父兄謂華向

以為二三子憂寡人之罪也若以群子之靈獲保首

領以歿唯是楸柎所以藉幹者楸柎棺中冬牀也幹骸骨也○楸音駢柎

音節又音附藉請無及先君欲自貶損仲幾對曰君若以

社稷之故私降昵宴群臣弗敢知昵近也降昵宴謂損親近聲樂飲食

事若夫宋國之法死生之度先君有命矣群臣以死

守之弗敢失隊臣之失職常刑不赦臣不忍其死君

命祗辱言君命必不行祗適也○隊音墜祗音支宋公遂行己亥卒于曲

棘為明年梁丘 ○十二月庚辰齊侯圍鄆欲取以居

鄆人自服 附錄初臧昭伯如晉臧會竊其寶龜僕句龜所出地名○僕

音旅又音屢句居具反 以下為信與僭僭吉僭不信也 臧

氏老將如晉問問昭伯 會請往代家 昭伯問家故盡

對故事 及內子與母弟叔孫則不對內子昭伯妻不

再三問不對歸及郊會逆問又如初對又不 至次於外

而察之皆無之執而戮之逸奔郈郈魴假使為賈正

馬郈在東平無鹽縣東南魴假郈邑大夫賈正 計於

季氏送計簿 臧氏使五人以戈楯伏諸桐汝之間桐汝

里名○楯食 會出逐之反奔執諸季氏中門之外平

子怒曰何故以兵入吾門拘臧氏老季臧有惡相怨

及昭伯從公平子立臧會立以為 會曰僕句不余欺

也傳言卜筮之 附錄楚子使遠射城州屈復茄人馬

還復茄人於州屈○屈居 城丘皇遷訾人馬移訾人

使熊相謀郭巢季然郭卷使二大夫為巢卷築郭也

音梅卷音 子大叔聞之曰楚王將死矣使民不安其

土民必憂憂將及王弗能久矣為明年楚

經乙酉敬王 二十有六年春王正月葬宋元公三月

速 ○三月公至自齊居于鄆 ○夏公圍成成孟氏邑不書齊師

帥賤衆少 ○秋公會齊侯莒子邾子杞伯盟于鄆陵重在公

鄆陵地闕 ○公至自會居于鄆無傳 ○九月庚申楚子

居卒赴以名 ○冬十月天王入于成周傳言王入在子朝奔

後經在前者 ○尹氏召伯毛伯以王子朝奔楚召伯當言

召氏經誤也尹召族奔非一人故言

氏書奔在王入下者王入乃告諸侯

傳二十六年春王正月庚申齊侯取鄆前年已取鄆至是乃發傳

者為公 ○葬宋元公如先君禮也善宋人違命以合禮 ○三月

公至自齊處于鄆言魯地也入魯竟故書至猶在外故書地 ○夏齊

侯將納公命無受魯貨申豐從女賈豐賈二人皆季氏家臣 ○文音

汝以幣錦二兩二丈為一端二端為一匹 縛一如瑱瑱充

耳縛卷也急卷使如充耳易適齊師謂子猶之人高

齧齧子猶家臣子猶梁丘據 ○齧魚綺反 能貨子猶為高氏後粟五千

庾言若能為我行貨於子猶當為請使得為高氏後又當致粟五千庾庾十六斗凡八千斛 ○能為于

為為魯同 高齧以錦示子猶子猶欲之齧曰魯人買

之百兩一布以道之不通先入幣財言魯人買此甚多布陳之以百

兩為子猶受之言於齊侯曰群臣不盡力于魯君者

非不能事君也欲行其說故先示然據有異焉 異猶

宋元公為魯君如晉卒于曲棘叔孫昭子求納其君

無疾而死不知天之棄魯耶抑魯君有罪於鬼神故

及此也君若待于曲棘使群臣從魯君以下馬可伐知

否若可師有濟也君而繼之茲無敵矣若其無成君

無辱焉齊侯從之使公子鉏帥師從公鉏齊大夫成大夫

公孫朝謂平子曰有都以衛國也請我受師許之以成

邑禦請納質恐見疑弗許曰信女足矣告於齊師

曰孟氏魯之敝室也敝壞也用成已甚弗能忍也

請息肩于齊公孫朝詐齊師言欲降齊師圍成成人

伐齊師之飲馬于淄者曰將以厭眾以厭眾心不欲

水出泰山梁父縣西北入汶飲於魯成備而後告

曰不勝眾若齊言眾不欲降已不能師及齊師戰于

炊鼻季氏師距公非公命齊子淵捷從洩聲子魯大

夫射食亦反射之中楯瓦楯常充反又音允繇胸沃輈

匕入者三寸入楯瓦也胸車軌輈車轅繇過也沃矢

聲子射其馬斬鞅殪殪死也改駕人

以為驂戾也而助之人魯人也驂戾子車曰齊人也

將擊子車子車射之殪其御曰又之又欲使射餘人

子車曰衆可懼也而不可怒也子囊帶從野洩叱之

囊帶齊大夫野洩即聲子○叱昌實反洩曰軍無私怒報乃私也將亢

子欲以公戰禦之又叱之子囊復亦叱之野洩亦叱

戰心但冉豎射陳武子中手冉豎季失弓而罵武子

以告平子曰有君子白皙鬢鬚眉甚口平子曰必子

疆也無乃亢諸子疆武子字○對曰謂之君子何敢

亢之偽言不敢林雍羞為顏鳴右下皆魯人羞為苑

何忌取其耳何忌齊大夫不欲殺雍但截顏鳴去之

其右見獲苑子之御曰視下顧復欲使苑苑子刺林

雍斷其足鑿而乘於他車以歸鑿一足行○芳弗

反鑿遣顏鳴三八齊師呼曰林雍乘言魯人皆致力

怨而相棄○呼火附錄四月單子如晉告急五月戊

午劉人敗王城之師于尸氏劉人劉蚩之屬王城子

南偃戊辰王城人劉人戰于施谷劉師敗績施谷

秋盟于鄆陵謀納公也齊侯附錄七月己巳劉子以

王出師敗懼庚午次于渠渠周王城人焚劉燒劉丙

子王宿于褚氏洛陽縣南有褚丁丑王次于萑谷庚

辰王入于胥靡辛巳王次于滑萑谷胥靡滑皆周地

音九音晉知蹀趙鞅帥師納王使女寬守闕塞女寬晉大夫闕塞洛

陽西南伊闕口也守之備子朝音智蹀音歷正女音汝塞素代反○知○九月楚平王卒

令尹子常欲立子西子西平王之長庶曰大子壬弱其母非

適也壬昭王也適音的下同王子建實聘之子西長而好善立

長則順建善則治王順國治可不務乎子西怒曰是

亂國而惡君王也言王子建聘之是章君王之惡○長上聲好去聲國有外

援不可瀆也外援秦也瀆慢也王有適嗣不可亂也敗親速

讎不立壬秦將來討是速讎也亂嗣不祥我受其名受惡名賂吾以

天下吾滋不從也滋益也楚國何為必殺令尹令尹懼

乃立昭王○冬十月丙申王起師于滑起發也辛丑在

郊郊子朝邑遂次于尸十一月辛酉晉師克鞏知蹀趙鞅之師召

伯盈逐王子朝伯盈本黨子朝晉師克鞏知王子朝

及召氏之族毛伯得尹氏固南宮嚳奉周之典籍以

奔楚尹召二族皆奔故稱氏重見尹固名者陰忌奔

莒以叛陰忌子朝召伯逆王于尸及劉子單子盟召伯

遂軍圍澤次于隄上圍澤隄上皆周地癸酉王

入于成周成周今洛陽甲戌盟于襄宮襄王廟晉師使成公

般戍周而還般晉大夫十二月癸未王入于莊宮莊宮

唐四百七十七

城在王 王子朝使告于諸侯曰昔武王克殷成王靖四

方康王息民並建母弟以蕃屏周亦曰吾無專享文

武之功不敢專故且為後人之迷敗傾覆而弱入于

難則振救之至于夷王王愆于厥身夷王厲王父也愆惡疾也○覆

乃旦反音福難諸侯莫不竭走其望以祈王身至于厲王王

心戾虐萬民弗忍居王于彘周人亦不忍害王也厲王之末

反例諸侯釋位以間王政間猶與也去其位與治王宣

王有志而後效官宣王厲王子彘之亂宣王尚至于

幽王天不弔周王昏不若用愆厥位幽王宣王子若

攜王奸命諸侯替之而建王嗣用遷邾郕攜王幽王

也王嗣宜白也幽王后中姜生太子宜白王幸褒姒

生伯服欲立之而殺太子太子奔申申伯與郕及西

戎伐周戰于戲幽王死諸侯廢伯服而立宜白是為

平王東遷邾郕攜戶圭反奸音干郕音辱戲音希

則是兄弟之能用力於王室也至于惠王天不靖周

生頹禍心施于叔帶惠襄辟難越去王都惠王平王

惠王庶叔也莊十九年作亂惠王適鄭襄王惠王子

叔帶襄王弟僖二十四年叔帶作亂襄王處汜施

音異辟音避難則有晉鄭咸黜不端黜去也晉文殺

去聲汜音凡類為王室去不端直之人○去上聲以綏定王家則是兄弟之能率先

王之命也在定王六年秦人降妖定王襄王孫定王

六年魯宣八年

五十五

曰周其有頤王亦克能脩其職諸侯服享二世共職

二世謂靈景○頤王室其有閒王位諸侯不圖而受

子斯反(共)音恭其亂災閒王位謂子朝也今子朝以為王猛受亂災

謂楚也今子朝以為晉○(閒)去聲下閒先王

同至于靈王生而有頤靈王定王甚神聖無惡於諸

侯靈王景王克終其世景王靈今王室亂單旗劉狄

剥亂天下壹行不若單旗穆公也劉狄謂先王何常

之有言先王唯余心所命其誰敢討之帥群不弔之

人弔至也○(弔)如以行亂于王室侵欲無厭規求無

度貫瀆鬼神貫習也瀆易也○(厭)於鹽慢棄刑法倍

奸齊盟傲狠威儀矯誣先王晉為不道是攝是贊攝

也贊佐也先王謂景王思肆其罔極肆放茲不穀震

○(倍)音佩(狠)戶懇反盜播越窳在荆蠻茲此也此不穀子朝未有攸底底

也攸若我一二兄弟甥舅獎順天法無助狡猾以從

先王之命毋速天罰赦圖不穀赦其憂而則所願也

敢盡布其腹心及先王之經而諸侯實深圖之昔先

王之命曰王后無適則擇立長年鈞以德德鈞以上

此所謂先王不立愛公卿無私古之制也穆后及大

子壽早夭即世在十年單劉贊私立少以間先王間錯

亦唯伯仲叔季圖之伯仲叔季總謂諸侯閔馬父聞子朝之

辭曰文辭以行禮也子朝于景之命遠晉之大以專

其志無禮甚矣文辭何為傳終王室亂遠于萬反附錄齊有彗

星出齊之分野不書魯不見〇彗似歲反齊侯使禳之祭以禳除晏子曰無

益也祇取誣焉誣欺也天道不諂諂疑也不貳其命若之

何禳之且天之有彗也以除穢也君無穢德又何禳

焉若德之穢禳之何損詩曰惟此文王小心翼翼昭

事上帝聿懷多福厥德不回以受方國詩大雅翼翼共也聿惟也

回違也言文王德不違天人故四方之國歸往之君無違德方國將至何患

於彗詩曰我無所監夏后及商用亂之故民卒流亡

逸詩也言追監夏商之亡皆以亂故若德回亂民將流亡祝史之為無

能補也公說乃止附錄齊侯與晏子坐于路寢公歎

曰美哉室其誰有此乎景公自知德不能久有國故歎也〇說音悅晏子

曰敢問何謂也公曰吾以為在德對曰如君之言其

陳氏乎陳氏雖無大德而有施於民豆區金鐘之數

其取之公也薄謂以公量收〇施音翅區音旣其施之民也厚謂以私量

貸〇施如字又音翅公厚歛焉陳氏厚施焉民歸之矣詩曰雖

無德與女式歌且舞詩小雅義取雖無大德要有喜說之心欲歌舞之式用也〇歛

不亡則國其國也已公曰善哉是可若何對曰唯禮

可以已之在禮家施不及國民不遷農不移工賈不

變守常業。賈音古。士不濫不夫官不滔滔慢也。滔吐刀反。大夫不

收公利不作公曰善哉我不能矣吾今而後知禮之

可以為國也對曰禮之可以為國也久矣與天地並

有天地則禮義興君令臣共父慈子孝兄愛弟敬夫和妻柔

姑慈婦聽禮也君令而不違臣共而不貳父慈而教

子孝而箴箴諫也。共音恭。兄愛而友弟敬而順夫和而義

妻柔而正姑慈而從從不專婦聽而婉婉順也禮之善物

也公曰善哉寡人今而後聞此禮之上也對曰先王

所稟於天地以為其民也是以先王上之稟受也

春秋左氏經傳集解卷二十五



山行

丁巳仲夏
畫於...

Large stylized watermark characters, likely '上海' (Shanghai), overlaid on the image.

